

東

華

續

錄

東華續錄

同治十四

臣王先謙敬編

臣張式恭恭校

九月庚戌朔諭議政王軍機大臣等馮子材魁玉奏句容逆股分踞湯崗官軍奪卡馘醜一摺另片奏嚴定營規請申明軍紀各等語句容首逆糾合匪黨分屯湯崗一帶經馮子材等飭副將田宗揚等前往攻剿賊眾遁回湯崗老巢以全力踞守希圖牽掣大兵馮子材等務當激勵將士認真兜剿絕其奔軼之路該逆蟻聚句容難保不四出分擾曾國荃軍營將士病疫曾否痊止著曾國藩察看情形如該將士可以出隊卽飭令分道進攻以遏賊勢並著咨會左宗棠李鴻章分兵進取賊所必爭之地俾蘇浙省逆首不敢徑援金陵則曾國荃之師易於得手江北各州縣最關緊要疊

經諭令都興阿嚴密防守仍著該將軍等督率水陸各軍隨時防
剿嚴扼要隘毋令該逆乘隙偷渡前據曾國藩奏稱擬令楊岳斌
駛赴下游一帶防剿見在該提督是否痊愈如一時未能駛往李
鴻章能否暫赴鎮防會同都興阿合力剿辦均著曾國藩等妥爲
豫籌都司田鎮武畏葸不前實屬警不畏法馮子材等將該都司
卽在軍前正法辦理尙屬認真遊擊滕代倫都司李占春約束不
嚴均著照所請一併摘去頂帶鎮營將弁兵勇動以餉需缺乏藉
口飢疲不戰而遁必須嚴加整頓以挽積習嗣後如有臨陣退縮
未戰先潰之員著照馮子材等所擬其都司以下員弁卽在軍前
處決其副將參遊各員一面鎖禁一面請旨遵行以振頹靡而肅
紀律卽著馮子材宣示各營俾知儆惕將此由六百里各諭令知
之○諭玉明等嚴查金匪○予福建殉難同知耿日觀副將林得

成祭葬世職○辛亥以 孝靜成皇后升祔 太廟禮成 上親詣行禮頒詔天下○諭議政王軍機大臣等鄭元善奏圍撲內鄉擒匪被擊東道盧永捻患甚熾官軍疊次獲捷兇擬偏令回竄一招擒逆回撲內鄉縣城經洪貞謙派隊赴援將賊擊敗立解城圍該逆避竄鄧州欲由新野唐縣東遁著鄭元善嚴飭該署司等速將此股竄匪迅速殄滅其竄入隨棗之粵逆已過應山余際昌之軍旣因張曜圍攻陳逆老巢喫緊未能撤動鄭元善惟當就本省兵力相機勦辦並著迅催尹嘉賓馬步會合盧得勝之軍極力扼截至盧永捻股經副將楊長春攻勦參將李世玉截殺後有東遁歸巢之勢該匪奔突靡定省垣重地及沿河要口均宜嚴密防範著鄭元善督飭楊長春李世玉等跟蹤追躡並飛飭河北鎮道加意扼守毋令偷渡其省垣根本之地尤須防其乘虛窺伺卽著毛

昶熙暫時駐紮布置守禦僧格林沁進剿蒙亳尙難剋日拔營並
著分兵兼顧會同鄭元善毛昶熙各軍分投策應併力扼截所有
勝保調陝之定威營勇一千名卽著鄭元善飛咨勝保畱紮澠池
以顧北路鄭元善毛昶熙另摺奏請抽調滿營撫標及河北歸德
南陽三鎮額設馬甲馬兵二千人合爲一軍採買馬匹配給乘騎
教練成軍以後卽將該撫等步勇酌裁四千名以爲此軍餉需之
用所籌頗中窳要卽著鄭元善等認真挑選妥速辦理並著僧格
林沁酌派熟諳馬隊將領一二員前赴豫省加意訓練務令技藝
嫻熟悉成勁旅俾屯紮東南要隘得以遏撿匪西竄於全局甚有
裨益原摺著鈔給僧格林沁閱看將此由六百里各諭令知之○
壬子以 孝德顯皇后梓宮奉移靜安莊 上詣 文宗顯皇帝
几筵前行祭告禮○諭內閣前因御史裴德俊奏商賈人等祇准

捐虛銜雜職不准報捐正印實在官階當令吏部戶部會議具奏
茲據奏稱商人報捐例所不禁儘其中有通達事情留心時務者
亦未便阻其上進但文員正印官職於民生國計關繫尤多名器
不得不益加慎重該御史所奏不爲無見等語著照該部所議自
此次奉旨之日爲始凡由商賈出身者祇准其捐納虛銜頂帶並
州同以下佐貳雜職實有官階等項以示限制其在奉旨以前報
捐者均著免其置議如官聲尙好著有勞績人員仍准予以正印
升途俾資觀感○諭議政王軍機大臣等譚廷襄奏攻剿蘭山縣
屬匪圍收復多處並將辦理淄川匪圍不力各員懲辦各摺片蘭
山縣屬南鄉一帶匪圍甚多爲積年盜藪該撫見飭帶隊文武辦
理內應一面實力進攻已將永泉等莊攻破殲擒首要各犯數十
名辦理尙屬得手此時蘭山南鄉止餘西曠層山兩匪圍其勢已

孤著卽飭令在事文武乘勢掃蕩其費鄰滕嶧各縣境內伏莽尙多亦宜迅督帶隊各員次第剿除毋稍姑息至附近永泉等圍之莊鴨沙埠廖家屯等莊鄰境附近蘭山等圍之赤土門石杭等莊先因偏近賊巢畏懼荼毒不無通匪情事見因官兵連次克捷均縛獻巨匪自贖不能不予以自新惟兗沂曹所屬幅揜各匪通賊窩盜習成慣技兵至則散而爲民兵去則又聚而爲賊此次蘭鄰境內之莊鴨等處難保不仍蹈故轍且巨匪雖經縛獻仍難保無漏網餘匪潛伏各圩希圖乘隙滋事該撫務當督飭地方官實力查拏以期淨絕根株不可稍存苟且了事之心其藍山青竹兩圍投誠降眾亦宜妥爲駕馭儻有始終反覆情形卽著隨時剿洗毋得稍事寬縱致貽後患淄川匪首劉德培盤踞城內書院不令該管知縣進城卽係踞城叛逆匪徒翟雷等同時並起將博山縣屬

太和莊民團占踞並將該縣令樊文達於西河地方圍困隨將西河莊攻破占踞附近之西坪等處均豎賊旗是該處賊匪平日黨與甚眾一經起事遂致到處四應該撫陸續調派兵勇馳往勦捕卽著嚴飭帶隊各員就地殲除不准遷延姑息致令賊蹤蔓延他處山東各府屬因杜劄辦團不善各團首聚眾滋事民強官弱相習成風已非一日從前地方六吏率多畏事姑容隱忍不辦致奸民益無顧忌此次蒲川等縣匪滋事若不速行勦洗恐各縣團匪聞風響應益形滋蔓譚廷襄務宜認真勦辦將首要各犯悉數殲擒以儆兇頑儻因循貽誤惟該撫是問知縣李鳳韶棄城逃避署知府吳載勳撤勇回省往返耽延厥咎甚重該撫所奏情形恐尙不實不盡仍著嚴切查辦毋稍隱飾遊擊馬秉阿有無畏匪不進情事千總李鴻圖是否與李鳳韶一同棄城出避並城內教職

典史等作何下落一併查明具奏將此由五百里諭令知之○諭
譚廷襄奏攻勦蘭山縣屬匪圍連次克捷收復多處殲擒首要各
犯一招業經諭令譚廷襄督飭各該文武乘勢掃蕩次第肅清僧
格林沁有節制山東省軍務之責所有該撫辦理攻克收復各匪
圍是否確實內應投誠各匪首是否可靠之處著卽詳查據實具
奏東省棍輻等匪所在多有其負隅抗拒匪圍必須實力攻克擣
穴擒渠俾各匪首知所震懾悔罪投誠方爲可恃不至畱遺後患
轉益蔓延僧格林沁耳目較爲切近於該省情形自必能詳悉譚
廷襄原摺著鈔給閱看將此由五百里諭令知之○御史劉慶奏
請以招流亡墾地畝課州縣治績從之○迨予陝西在籍殉難前
任江西巡撫張芾於江西省城建祠諡文毅○乙卯諭內閣前因
譚廷襄奏山東樂陵縣偽團夥黨邱純擁眾拒捕經官軍剿辦後

該犯等逃往直隸慶雲縣一帶藏匿當經諭令文煜派員前往兜
拏茲據奏稱該犯因按拏緊急逃至天津縣屬之蒲口地方經該
縣張餘慶委員試用知縣李景星等盤獲等語鄭純一犯爲山東
僞團著名首惡張餘慶等先後將其弟鄭煒鄭慈及其黨任剛等
緝獲到案見復將該犯盤獲緝捕尙屬勤能天津縣知縣張餘慶
試用知縣李景星著文煜分別奏請獎敘○諭議政王軍機大臣
等前因奎英等奏霍罕互鬪之事聲敘未能明晰當經諭令確查
具奏茲據奏稱拏獲活賊供稱霍罕邁里伯克被屬下謀害公舉
其兄沙木拉特爲伯克復經胡達雅爾帶兵相爭沙木拉特將霍
罕伯克讓與胡達雅爾而卡外之希皮察克等處布魯特與胡達
雅爾不睦復舉沙魯克爲伯克因在霍罕所屬愛連木庫爾地方
與胡達雅爾打仗並據探報逆首倭里罕逃出卡外亦附從希皮

察克布魯特與霍罕打仗各等語霍罕布魯特地屬邊外前據常清等奏哈薩克汗阿勒坦沙拉已屬俄國嗣又奏稱布魯特頭人被俄國勒偪攜屬內附見在俄人與明誼等議分西界諸多狡執此次霍罕伯克等互相構兵是否有俄國之人從中唆使情事著景廉密探具奏咨會奎英等嚴爲防範毋稍疏虞事關邊疆要務該大臣必當格外鄭重所奉諭旨嚴密收存不准假手胥吏稍有漏洩致干咎戾將此由四百里諭令知之○諭文煜等慎選良吏籌辦畿輔水利○以 文宗顯皇帝 孝德顯皇后梓宮奉移山陵免經過之大興等四州縣地方本年額賦十分之五遵化州十分之七並賞給平毀麥田籽種銀○丙辰 上詣 文宗顯皇帝几筵前行祖奠禮○諭議政王軍機大臣等官文嚴樹森奏進勦豫捻攻克黃梅老巢並攻偃邢集龍井等賊巢防勦髮捻情形

各摺片豫省正羅一帶捻巢林立經周鳳山督軍進攻勦撫兼施將各路援賊擊退攻克黃梅老巢等十三寨斬戮賊首汪道全等並將樂家寨等十四處收撫辦理尙屬得手見在淮河以南既經肅清自宜乘勝進攻淮北以期廓清豫境南路周鳳山帶勇如果始終得力卽著官文嚴樹森飭令迅速渡河將陡溝等處賊巢力圖攻拔並嚴檄該副將嚴申紀律約束所部毋令滋擾地方俾百姓聞風知感樂助官軍庶勦辦益易得手歐陽正塘李續燾兩軍已將邢集賊巢圍偏分攻龍井並將各路援賊擊退著卽飭令乘勢攻克以期進拔明港疏通驛路並與周鳳山一軍聯絡聲勢將信陽一帶賊巢埽除淨盡以靖地方毋稍延誤至髮捻各逆竄犯楚疆擾及棗陽見復竄至隨州旁擾京山此股賊匪蹤迹飄忽較正羅盤踞土匪更形狡悍尤宜慎重防勦官文等見已調撥兵勇

分防德安安陸各境並調水師礮船馳赴襄河等處上下策應著
卽督飭各路將士分路兜擊務令就地殲除毋任蔓延他處豫省
姜台凌等股餘匪見由內鄉繞赴新野唐縣一帶另股巨匪盤踞
盧氏永甯山中擾及宜陽多隆阿一軍恐其爲所牽掣楚省邊防
緊要官文等當遵照前旨就見有兵力迅速勦辦毋失機宜將此
由六百里各諭令知之○直隸妖人王守青等編造逆書事發伏
誅○丁巳 上奉 慈安皇太后 慈禧皇太后詣靜安莊 孝
德顯皇后几筵前行辭奠禮申刻詣觀德殿 文宗顯皇帝几筵
前行辭奠禮○曾國藩奏接奉諭旨垂詢各節當與撫臣李續宜
再三商度嗣復與署撫臣唐訓方熟商查李續宜所部湘勇在皖
境者萬餘人見在分守潁州壽州六安霍邱固始五城又守三河
尖正陽關兩隘皆係最要之區若再令分勦捻巢則防守七處之

兵與進勦毫南之兵皆嫌其單洲軍素無馬隊於追逐擒匪本不相宜若步軍太單則更無把握矣屢接官文函咨石清吉防守廬州之十營前已調去三營今又欲再調三營回援鄂省皖北腹地空虛潁壽之湘勇以分守七處而太單廬州之防兵以抽調六營而亦薄更無餘力可以進勦毫南此楚軍不敷分撥兼有窒礙之情形也若道員蔣凝學與毛有銘同爲監司成大吉蕭慶衍王載駟皆爲提鎮勢位相伴才智相等彼此俱難統屬至臣所部各軍如楊岳斌鮑超張運蘭朱品隆諸統將皆抱病未痊見在皖南軍情緊急臣欲求一人支持大局尙不能得又安能另派大員督率淮北勦擒之師此潁壽各軍難相統馭之情形也至苗沛霖反覆叵測詭譎多端耳目最廣蔣凝學等欲陽撫之而陰防之固在苗沛霖算中卽僧格林沁欲調苗勦擒並欲調苗離巢使楚軍得以

放心勦捻亦未嘗不在苗沛霖算中臣愚以爲欲苗之不猜疑必在我者先有誠一不欺之道欲苗之不反覆必在我者先有堅定不變之謀大抵馭苗之策有二一日赦其罪而不資其力一日資其力而並予以權凡良圩之出財出力以從苗者非心服也彼挾朝命以臨之不得已而爲所脅耳自夏間黨與離散苗勢漸衰今調之會勦捻巢則必聽其招集舊部號令羣圩是予以威權矣又必聽其廣收練糧設立釐卡是予以利權矣惟赦其罪而不資其力猶不失爲中策於徵調之札則吝之使其號令不能遽振於釐卡之事則寬之使其生計不至遽窮情願假以利權斷不予以威權俾苗沛霖旣服官軍之足以自立又感疆臣之不與爭利或相安無事此臣察度苗練但取中策之微意也至苗沛霖所收逆首陳玉城餘眾曾否遣散是否涵入南陽捻股俟訪查的確續行附

奏又奏僞忠王由蘇州帶大股賊匪上援金陵屯踞城南人字橋一帶八月二十日撲官軍營壘一次金陵將卒多病迄未稍愈曾貞幹亦抱病未痊殊爲可慮逆首黃汝金胡鼎汶等大股由東壩撲犯金寶圩鮑超尙在蕪湖養病宋國永代統其軍由甯國赴援行至新河莊爲賊所乘官軍小挫退回甯國探聞黃汝金等逆將自新河莊犯甯郡之西楊七麻等逆將自建平縣撲甯郡之東官軍病者太多統將鮑超又不在營張運蘭雖已於十七日帶病進城而其部卒亦病莫能興朱品隆於十四日移守旌德亦皆爲病所苦防守尙無把握所幸左宗棠於前月屢獲大勝蔣益澧於十四日克復壽昌將來徽州有急或可調蔣益澧就近救援楊岳斌鮑超病皆漸愈鮑超擬於二十六七日回營其軍縱有疏失尙可徐圖整頓 上諭議政王軍機大臣等皖北蒙宿永夏潁亳各州

縣擒巢林立徧地賊氛前因僧格林沁奏請飭令皖豫徐宿諸軍各專責成分路防堵並約期會攻老巢當以楚軍方由南路進攻其西路賊竄能否分顧諭令曾國藩酌量妥籌茲據曾國藩奏稱李續宜所部湘勇萬餘人分守潁壽等七處並進剿亳南之兵皆嫌單薄廬州防兵亦經官文檄調六營回援鄂省等語是楚軍駐皖各營進剿亳南尙形不足勢難兼顧亳西其帶隊各員如蔣凝學毛有銘同爲監司成大吉蕭慶衍王載駟皆爲提鎮彼此俱難統屬曾國藩遠駐安慶見在皖南軍情十分緊急勢難兼顧皖北所有防剿潁亳擒匪事宜自應仍由僧格林沁酌度辦理見在唐訓方已經馳赴安慶接篆任事即可前赴臨淮接統袁甲三軍務僧格林沁並可與該署撫籌商辦理楚軍雖不敷分撥然遇有擒匪出竄之時亦須扼要迎截僧格林沁前已札飭蔣凝學向西南

一帶進剿惟壽州等處關繫至要本日已諭令唐訓方派員接替俾蔣凝學得以由壽州前赴防所該大臣可卽酌撥大營兵丁前往助剿以厚兵力至該大臣見駐永城將來進擣匪巢自宜先由永夏一路進兵與吳棠東路徐宿一軍及袁甲三所派之南路進攻蒙宿一軍相去較近約期齊舉聲勢自易聯絡俟永夏蒙宿一帶肅清再行移師而西合擣潁亳捻巢軍威旣振匪勢亦孤自可易於得手至攻擣捻巢時務當逐漸進取步步爲營不可孤軍深入爲賊匪鈔襲後路是爲至要苗沛霖詭譎多端耳目最廣各營章奏信函均能探訪鈔錄該大臣務當慎密防範不可爲所窺探曾國藩所稱推誠撫馭使無猜疑與僧格林沁前奏大旨相同惟苗練每挾朝命脅制附近各圩偏令從己若使其招集舊部隨同官軍剿捻則苗練藉此號召羣圩其威復振若剿捻獲勝則必併

吞捻眾占踞捻寨而餓愈張將成尾大不掉之勢曾國藩所稱赦其罪而不資其力不加徵調使其號令不能遽振或於釐卡之事寬其生計令其相安無事蓋與其假以威權尙不如假以利權所籌甚合機宜卽著僧格林沁妥籌辦理袁甲三所陳將湖溝一路仍歸宿軍由吳棠督飭辦理令其進攻孫疇板橋曹市集李城等老巢而以臨淮一軍專攻高鎰西洋雉河等集張落刑等老巢於地利軍情頗合機宜見已諭令袁甲三吳棠唐訓方照議辦理仍著僧格林沁統籌兼顧曾國藩袁甲三原摺各一件並著鈔給閱看本日復據毛昶熙奏西路另股捻匪回竄擾及韓城宜陽意由汝郊回巢南路捻匪欲由桐柏泌陽回巢鞏縣等處亦有賊蹤襄城地方已派副將陳祿興扼截等語見已諭令毛昶熙鄭元善派兵分路邀擊並著僧格林沁派撥馬隊於皖豫交界處所迎頭邀

截痛加勦戮毋稍疏忽該大臣接奉此旨務須慎密不可宣播漏洩將此由六百里諭令知之○諭曾國藩覆陳勦捻撫苗情形遵籌辦法一摺據稱頴壽之湘勇以分守七處而太單廬州之防兵以抽調六營而亦薄更無餘力可以進勦毫南本日已諭知僧格林沁令其勦辦捻巢暫且無庸深入恐後路或被鈔襲楚軍雖不能全力勦捻如遇該匪出巢竄入邊界亦須隨時邀擊僧格林沁如調蔣凝學等軍遙作聲援亦不得不酌量分撥仍著曾國藩咨會唐訓方等妥籌調遣唐訓方見署皖撫蔣凝學等卽應暫歸統率李績宜假滿回任自無庸另派大員統轄至馭苗之策總以赦其罪而不資其力爲最妥已諭知僧格林沁察度辦理矣金陵將士多病見在天氣漸寒疫氣當已消盡鮑超楊岳斌等病皆就痊覽奏爲之稍慰著催令鮑超等同營拊循士卒先圖固守俟人馬

強壯再議進攻蔣益澧何時到浙其克復壽昌詳細情形並見在
剿辦何處著左宗棠迅速具奏賊勢見在趨重金陵甯國而楚營
兵將均爲病所苦勢極危急左宗棠當設法分兵擣其要隘藉以
牽掣其勢如徽州有警曾國藩檄調蔣益澧軍就近兼顧卽著左
宗棠飭令速往毋得稍分畛域將此由六百里各諭令知之○論
袁甲三奏遵籌東路防剿一摺據稱由臨淮進兵之路有二其一
由固鎮湖溝开縣湖漕河而西一由懷遠龍亢蒙城湖渦河而上
權其緩急輕重惟有將湖溝一路仍歸吳棠辦理抽出臨淮一軍
除畱防固鎮外專注蒙城一路迅抵雉河老巢兼可就近鎮撫苗
練實爲一舉兩得等語唐訓方業已到省不日可抵臨淮該署撫
接統臨淮之軍卽著將袁甲三所籌東路進兵機宜酌度情形相
機辦理湖溝爲東路門戶應如何由該處進攻李成劉添幅等老

巢之處著責成吳棠督飭將弁妥籌勦洗毋得稍涉鬆勁致誤戎機又據袁甲三奏稱僧格林沁已札令蔣凝學由西南督隊自沙河向東北進勦捻巢等語蔣凝學一軍進次壽州分防潁壽正陽關三處防守極關緊要如該道所部隨僧格林沁進勦捻巢其壽州等處應如何遴派妥員接替鎮守卽著唐訓方妥籌布置勿致顧此失彼至定遠五河靈璧泗州盱眙及鳳陽府縣各防兵除業經酌撤外袁甲三復督飭水陸將弁嚴加裁汰自係爲節費起見唐訓方到臨後應否添募以資攻勦之處著一併妥籌具奏袁甲三所奏敬陳管見四條及請嚴防蹕路各摺片言皆切當具見惴忱均著畱中備覽將此由六百里各諭令知之○諭毛昶熙奏派兵進紮襄城截勦西南兩路竄捻並西捻竄及鞏縣布置省防探蹤迎擊各摺片豫省宜永一路捻匪欲由汝郊東歸其南路捻匪

仍欲由桐柏泌陽一帶歸巢經毛昶熙派令副將陳祿興等扼紮襄城兼顧西南兩路而宜永大股復已竄至黑石關及鞏縣之亢店一帶有圖撲省垣之勢是該逆探知襄城一路已有重兵扼剿故爲聲東擊西之計以便歸巢逆情狡譎異常斷不可墮其奸計毛昶熙惟當飭令陳祿興等軍探明賊蹤嚴密堵截以杜西南兩股回竄之路仍一面派撥兵勇號召鄉團固守省垣並將鞏縣踞賊認真迎剿如該匪繞由尉氏通許回竄仍著親督兵勇出省邀擊毋致鋌走並一面知照僧格林沁於該逆回巢之路嚴密堵遏以圖聚殲鄭元善所派之楊長春洪貞謙盧得勝等軍分剿西南兩路竄捻均各小有斬擒並未痛加勦洗該撫務當飭令各員分路跟追與毛昶熙所派兵勇援應夾擊盡殲醜類無任遠颺此次捻匪出巢由豫省分路四竄擾及秦境地方該撫等毫無布置以

致蔓延爲患見在該逆分股回竄儻該省仍不能實力堵截任令
從容回巢該撫等捫心自問所辦何事應得何罪懷之將此由六
百里各諭令知之○撥直隸官兵四百名赴山西防河○戊午
文宗顯皇帝 孝德顯皇后梓宮發引 上步從至景山後跪送
奉兩宮 皇太后豫詣東直門外哭泣迎送如儀○命惠親王綿
愉悖親王奕誼恭送 文宗顯皇帝 孝德顯皇后梓宮至 隆
福寺暫安寢殿沿途恭代行朝夕祭禮暨奉安後饗奠禮○諭內
閣勞崇光奏剿辦肇慶土匪擒獲首要各犯一摺廣東肇慶府屬
之封川縣匪徒李植槐與開建縣土匪侯十五遙相援應潛謀不
軌經勞崇光飭令該地方官會同廣西防兵將鳳樓砦踞匪剿散
並攻克南豐墟該匪等膽敢移居金鷺埔等處意圖負隅久抗復
經勞崇光飭令惠潮嘉道劉式恕督率官軍併力進剿將賊巢悉

行掃蕩匪首李植槐逃至河兒口經兵練擒獲侯十五與其兄十
四逃至蒼梧交界之石橋官軍四面圍捕該匪服毒自盡勇練等
生擒侯十四並起獲侯十五屍身分別戮屍正法勦辦尙爲迅速
著劉長佑督飭紳團將在逃餘匪按名擒拏不准一名漏網○諭
議政王軍機大臣等李鴻章奏縷陳松滬近日軍情並金陵各營
疾疫未痊請飭多隆阿回援各一摺常勝一軍旣據英國提督何
伯推薦白齊文自應暫爲允准令其統帶剋日進攻嘉定卽可察
其材力是否足勝管帶之任以收實效惟此軍勇丁已屬不少若
始終令外國人管帶恐將來必致運掉不靈前據英國公使在總
理各國事務衙門面稱中國勇丁令外人訓練漸與相習該勇丁
久且忘其爲中國人必致中國官員不能駕馭等語其言極爲有
理此時或未能派員分管將來必須令中國得力員弁隨時留心

與兵丁等一同學習俾資管帶次第收回兵權著李鴻章妥爲籌辦至多隆阿一軍前因都興阿具奏曾國荃信函請拔各情曾諭令官文等籌商第自勝保到陝省月餘勦辦回匪迄無成效關中重地豈容日久蔓延本日復諭令該將軍統率所部星馳入關勦辦見在斷難南下昨據曾國藩奏稱蔣益澧已抵浙東攻克壽昌徽防有警可以調赴鮑超等業已漸就痊愈回營儻或金陵情形緊急則蔣益澧所部萬人或分撥十營調往助勦左宗棠統率所部與賊相持於金嚴之間俾賊不得繞由皖南偷援金陵俟圍攻金陵軍勢旣振仍可卽行調回此時總以先固藩籬爲要如各營疾病全愈再圖進攻朝廷亦不遽加督責著曾國藩左宗棠酌量情形妥爲籌商江浙唇齒相依該大臣等必能審酌緩急通盤籌畫用副委任也將此由六百里各諭令知之○多隆阿奏臣接奉

諭旨令查武關等處髮捻分竄情形等因查臣行至商南彼時髮逆大股竄至浙川廳已據荆子關當卽回軍將荆子關克復八月二十六日毫穎捻匪姜台凌等由西坪撲犯商南二十九日解圍閏八月初一至初八等日將捻匪撲滅據獲賊供稱姜逆遣賊目領眾赴廬氏接應張落刑卽由廬氏奔竄雒南屬之寺坡三要司張逆聞我軍撲滅穎毫捻股不敢西犯折回盧氏東竄是犯荆子關者實係髮逆陳得才犯商南者實係捻匪姜台凌犯雒南邊境者實係張落刑勝保所奏未能分晰多爲探報傳言所誤至稱該逆由普峪河越過暗襲武關後路復退竄清油河地方等語更屬未悉地理查普峪河在商南之西南四十里清油河在商南西北四十里武關在商南西北七十里有陶茂林一軍攔截武關去路臣在試馬寨清油河太平山等處邀擊該逆不能越過武關又何

能暗襲武關後路耶至豫軍邀截各匪不能得力亦有難言者府縣地方本無重兵多資團練平時鄉民散處有警俱歸圍寨卽令勉強隨剿練勇類皆脆弱見賊而怯不過遙爲觀望未敢取決一戰迨賊退後隨報大捷爲邀獎地步以此禦寇安能冀其得力數年以來捻匪愈聚愈多者職此故也臣擬將髮逆陳得才大股剿滅後再由豫東一路節節掃蕩見據探報髮逆已竄入湖北隨棗一帶勢甚飄忽當令副都統穆圖善等督率馬步馳赴光襄相機進取並飭道員金國琛梁作楫等各率全軍迅赴隨棗併力剿洗臣本擬卽日前進實因各營兵勇自入關後屢經惡戰受傷者竟有八百餘名之多兼之患病者有一千五百餘人該勇等平日打仗皆係奮不顧身今以傷病畱後何以忽然捨去臣止得暫候一二日飭令妥爲調養一俟稍可就道卽行統帶而前上諭據多

隆阿奏覆陳商南一帶剿賊情形另片奏陝省紳耆疊次聯名稟請入陝督剿回匪鈔錄呈覽等語勝保統兵入陝雖屢據奏報獲勝而該匪仍未大受懲創渭北匪巢林立負嵎抗拒鳳翔等處逆眾繁多甚至諱敗爲勝如陝省紳士稟詞所指各節此間亦早有傳聞該紳士等請留多隆阿赴陝剿辦原以該將軍忠勇素著軍士亦皆用命如果督兵入陝自不難廓清陝境埽穴擒渠陝西界連楚豫逼近畿疆今回氛如此猖獗合境士民盼切該將軍已令穆圖善等兵勇馳赴光襄並飛飭金國琛等軍會合併力剿洗自已足敷剿辦昨據官文等奏見調兵勇赴德安一帶防剿著官文卽嚴飭穆圖善等會同各路兵勇併力兜剿痛殲醜類務令楚豫邊境及早肅清俾多隆阿於兵勇傷病稍愈後卽可悉銳西趨後路旣毫無牽掣則攻取回巢自易得手將此由六百里各諭令知

之○諭劉長佑奏潯州平樂各軍剿撫情形並請飭江忠義赴粵
剿匪各摺片此次潯州各軍剿撫兼施聲威已振所有林漢朝等
各起降眾卽著飭令在事員弁妥爲遣散並將善後事宜熟籌迅
辦毋令該匪旋撫旋叛方可一勞永逸其餘敗匪有分股上竄橫
州之信卽著劉長佑等督飭水陸各軍合力進剿肅清醜類至張
高友一股仍踞蓮塘老巢且分股復陷陽朔著卽嚴飭副將蕭榮
芳等迅將前路賊巢攻破會合楚師擣穴擒渠以靖疆圉易元泰
如始終不知奮勉卽著嚴參前因貴州軍務未竣疊經諭令江忠
義赴黔署理提篆接統田興恕之眾俾田興恕得以入川剿匪劉
長佑所請飭令赴粵會剿之處自係未知黔省情形緊要實難俯
如所請至會剿平樂股匪前據毛鴻賓奏已令總兵李明惠等酌
量情形遙助聲勢或由趙煥聯分兵交王永章統領入粵夾擊各

等語劉長佑張凱嵩即可相機調遣會師攻剿正不必專俟江忠義一軍也本日復據勞崇光奏會匪潛謀倡亂訪聞拏獲正法一摺此次匪首黃金籠等在省城地方聚眾謀逆卽經官兵訪拏悉數正法辦理尙屬迅速惟其餘黨尙多且與高州封川等處匪徒暗地勾結自不能不妥爲防範勞崇光見已於省城內外嚴密布置並添調戰船梭織巡查復據英國領事羅伯遜由香港調到火輪船二隻來省協防劉長佑到粵東後仍著督飭在事員弁實力防範並嚴拏餘匪毋任一名漏網以淨根株至英國兵船前來協防尙屬克敦和誼劉長佑惟當妥爲駕馭聯絡一氣以收其用不可過事拒絕致失洋人助順之心將此由六百里各諭令知之○予故浙江道員羅澤南提督饒廷選於江西廣信合建專祠副將畢定邦等附祀○已未諭內閣都察院奏貴州廩生黎庶昌呈遞

擬就時務一疏詳加批閱內有賜之優容俾竟其說等語著都察院將黎庶昌傳至該衙門令其將應陳事件條分縷晰詳細具呈仍由該衙門代奏○勝保奏臣前離皖時傳見苗沛霖再三戒諭勉以安分忍耐力釋羣疑如實有難處之情亦惟有來營自效不准再起爭端故自臣啟行後苗沛霖尙能恪遵戒諭昨遣其幕友候選布政司經歷方金鏞馳赴大營稟請臣調其來營隨剿藉圖報效並接據鄭元善毛昶熙咨稱探苗練帶領大隊欲由陳州前赴臣營各等語臣查該練報效雖出真誠而人數未免太眾且恐沿途未奉明文轉易激而生事然若重拂其請該練久處危疑之地無人爲之作主亦恐難以自安臣擬傳諭苗沛霖挑選精銳不得過一萬人飭令來營助剿轉可藉資鈐束僧格林沁如調該練助剿仍令另行撥隊前往俾資得力若慮其跋扈性成則今昔情

形迥異苗沛霖實有立功之念且經臣默化潛移但使駕馭得宜
卽爲有益無害臣已飭河南軍需局於應撥臣營兩月餉內撥銀
一萬兩接濟盤費並令副都統博崇武齎銀前往提護來營博崇
武居心精細與苗沛霖素稱契合卽飭其沿途照料嚴約部眾紮
營居住不准一名落後不准一人下鄉儻有滋擾地方情事惟該
副都統及苗沛霖是問一俟該隊到後臣當繼以大義勵以圖功
必能專意勦賊俾收寶效如能仰託 皇上洪福屆時已收破竹
之效無須該練到陝臣卽當飭其移勦捻巢仍於皖事有益 上
諭議政王軍機大臣等勝保奏川匪窺犯省垣督軍迎勦大獲勝
仗敗賊遠竄及咸陽勦回續勝並同朝一帶軍情各摺片川匪郭
刀刀等由甯陝等處竄至子午峪圖犯省垣經勝保督軍迎勦於
三日之內兩獲大捷斬馘萬餘勦辦尙合機宜此股敗賊見在竄

向何處仍著該大臣嚴飭王佐三等軍跟蹤追擊務期一鼓殲除毋畱餘孽回逆偵知我軍撤隊南剿川匪句結大股悍匪乘夜攻撲雷正綰營盤雖經該提督等併力擊退並督兵出營痛剿力挫兇鋒惟逆眾麇集成陽意圖很鬪雷正綰一軍兵數尙單必須添軍策應著勝保酌量情形迅速添撥以厚兵力而殄賊氛至同朝一帶近日雖無賊擾而倉頭王閻村等處賊巢尙在西路攻剿得手卽難保不回顧巢穴勝保督辦陝西軍務責無旁貸務當妥籌兼顧不得稍有疏虞致干重咎另片奏檄調苗練精銳一萬人來陝助剿各等語並由軍機處將勝保咨送苗沛霖稟函詩句呈覽披閱之下不勝詫異苗沛霖近日已將壽州正陽關退出李續宜前奏亦有真心效力必當寬其既往之請僧格林沁復檄令助剿稔巢是皖省各將帥皆有推誠相待之意該練如能掃擒立功朝

廷既雪其罪愆即可褻其勳績在皖正可出力報效伊復有何疑懼必須赴陝勝保身爲大臣豈不知徵兵遣將皆須稟命朝廷乃並不先行請旨輒敢擅撥餉銀派員迎提苗練膽大妄爲實堪痛恨見已諭知多隆阿迅率所部入關助剿以厚兵力著勝保於接奉此次諭旨之日卽迅速飛檄截止苗練不許一人一騎入陝仍令靜候僧格林沁調遣以免紛歧儻敢不遵諭旨陽奉陰違必將勝保從重治罪決不寬貸將此由六百里諭令知之○諭前因僧格林沁奏進攻蒙亳捻巢必須厚集兵力札調苗沛霖帶練助剿節經諭令該大臣妥籌辦理茲據勝保奏稱苗沛霖遣幕友方金墉馳赴西安請調來營助剿如僧格林沁須調該練助剿仍另行撥隊前往等語苗沛霖前次在該大臣處具稟聲稱屢受國恩勉圖報效自應恪遵僧格林沁札諭迅速督練啟行聽候調遣何得

不遵調度徑赴勝保軍營是其反覆無常已可概見苗沛霖率眾入陝雖非盡出勝保之意然勝保平日與之互相袒護此次不俟奏明請旨擅令苗沛霖帶練來陝其居心尤不可問若不速行截止恐陝省回患之外更添一苗患於大局甚有關繫本日已嚴飭勝保速將苗沛霖截止並諭令鄭元善毛昶熙各派兵勇沿途攔截多隆阿一軍已密飭其星速入關如豫省兵力尙難阻遏多隆阿卽扼住潼關斷不准其闖入仍著僧格林沁查探苗沛霖如見在尙未啟行卽著妥爲阻止或設法羈縻令其勦捻立功以踐前稟如苗沛霖執意西行不遵理論卽著該大臣調兵攔勦並著由六百里加緊知會多隆阿速赴潼關扼守杜其竄越苗沛霖耳目最廣僧格林沁接奉此旨務當加意慎密毋得稍有漏洩致誤事機將此由六百里加緊密諭知之○諭昨因勝保勦辦陝省回匪

諸多粉飾迄無成效論令多隆阿迅速馳抵西安諒該將軍接奉前旨已剋日起程前赴矣本日據勝保奏同朝一帶並無回匪而川匪圖撲省垣苗沛霖欲率眾赴陝助剿並鈔錄該練稟詞大意與李續宜爲仇其詞極爲狂妄勝保因允其請令酌選精銳萬名赴陝等語苗練性本桀驁心又詭譎設令入陝必致引虎自衛貽患無窮關中形勝之地豈可令其竄入著該將軍一面偵探如苗練率眾西行卽將潼關等處嚴行攔截儻情形狂悖卽飭官軍痛剿毋庸稍存顧忌該將軍所統馬步本不甚厚加以傷病存營尙有若干勝保所部合計二萬餘名而叛卒降眾雜出其中恐未能悉稱得力必須隨時裁汰該將軍於沿途訪察明確悉心豫籌何日由荆子關入陝何日可抵西安卽行豫計將此由六百里加緊馳奏候旨遵行同州等處回匪情形並川匪圖撲省垣各情見在

如何辦理並著隨時具奏苗沛霖善於採聽消息所奉諭旨務當
密之又密毋稍漏洩將此由六百里加緊密諭知之○諭據勝保
奏苗沛霖欲率眾赴陝助剿經該大臣令其酌選精銳萬名由陳
州馳往並令博崇武齎銀前往提護等語本日已寄諭勝保嚴加
申飭令其攔阻著鄭元善毛昶熙卽行札知博崇武轉諭該練毋
庸西行所有勝保請給盤費銀一萬兩不准給發一面派兵攔截
儻該練不遵理論卽係擅違諭旨迅卽派兵截擊並將博崇武看
管令其設法勸阻該撫等旣知有此事函致勝保派員照料何以
並不具奏實屬不知輕重儻嗣後不能攔截任苗練有一名入陝
必將該撫等從重治罪懍之慎之將此由六百里加緊各諭令知
之○諭鄭元善奏豫軍追剿南路新野等處竄匪並襲剿北路永
宜捻逆各情形一摺南路髮捻前據官文等奏稱見已竄至棗陽

等處尙三萬有餘勢甚飄忽而鄭元善奏此次賊眾三四萬經洪
貞謙督勦兩獲大捷敗殘匪夥不過一半情急勢蹙奪路東奔且
既稱豫軍未便越境遠出又稱如楚師得手仍當會合一氣純乎
紙上粉飾之詞全不足恃官文等見調兵水陸堵勦恐仍竄回豫
境該撫務當嚴飭洪貞謙實力會勦毋信其虛詞飾說稍涉大意
所稱捍衛豫境布置防禦等語該司所部僅止馬步二千名如何
捍衛如何布置務當力求實際儻任令該匪回竄惟洪貞謙是問
至北路永宜捻逆圖撲洛陽蔓及孟津是其情形極爲猖獗該撫
務飭楊長春嚴密堵禦相機追勦並飛調盧得勝之師由禹州前
進迎頭攔截尤應防其偷渡河北鄭元善駐紮洛陽責無旁貸儻
任賊偷渡擾及河北恐該撫不能當此重咎也毛昶熙防守省垣
卽著嚴密布置儻該匪東竄派兵迎勦前據奏稱派副將陳祿興

駐紮襄城又添派邵春仁一軍前往該處南不足以勦新野之賊北不足以擊河洛之匪駐軍於無賊之地無怪乎任賊四竄如入無人之境著卽飭陳祿興等星速北行會合楊長春等軍合力夾擊毋得徒託空言儻不能將此股竄匪剋期撲滅必將毛昶熙一併治罪將此由六百里各諭令知之○諭勝保奏川匪窺犯省垣迎勦獲勝一摺前因郭逆竄陷甄坪廳該督派令易佩紳帶勇援勦當經諭令該督飭該員等迅速夾擊此次該匪膽敢圖犯陝西省垣勢甚飄忽雖經勝保擊退該匪回竄後仍恐沿途裹脅紛竄陝南一帶況洋縣尙爲賊踞逆氛仍熾尤慮旬結貽患著駱秉章仍遵前旨飭令派出各軍實力夾擊迅速殲除毋令蔓延至供詞內稱藍郭等匪入陝竄擾李逆仍住綿州是巨憝侈然安居股匪紛然旁竄陝省回匪未滅楚北光襄一帶亦有賊蹤其患甚烈該

省處處毗連竄擾甚爲可虞著該督嚴飭帶兵各員務須振刷精神分撥勁旅迅將李逆一股掃除淨盡毋任稽誅再將紛竄各股次第廓清是爲至要供詞著鈔給閱看將此由六百里諭令知之

○庚申諭內閣本日禮部具題壽民殷瑞麟暨王世泰夫婦年逾百歲張朝灿五世同堂本三件俱係咸豐十年奉 旨交該部議奏之件雖據本內聲稱題覆各省壽民壽婦本章向無定限然恃無定限竟至時閱三年之久始行題覆實屬遲延該壽民等年逾期耄例得邀恩似此任意閣延使不得榮施早沐致國家殊恩曠典幾屬具文近來各衙門辦事往往藉口例文不顧緩急類此者不知凡幾殊堪痛恨所有禮部歷任承辦司員著查取職名交部議處該部歷任堂官一併交部察議以儆玩泄○予四川陣亡知縣杜芳等世職副將馬定國等世職建祠○辛酉奉安 文宗顯

皇帝 孝德顯皇后梓宮於降福寺○賞校尉等銀○壬戌諭議
政王軍機大臣等前因多隆阿奏陝省紳士以回匪猖獗稟請該
將軍入陝督辦疊經諭令多隆阿迅督所部馳赴陝境並以潼關
緊要諭令安爲在直茲據多隆阿奏髮逆陳得才一股竄入隨棗
德安一帶自應先其所急將此股剪滅後如同匪尙未蕩平再行
入關期辦等語多隆阿此奏自在未接本月初九等日諭旨之先
該將軍接奉前旨計已星馳赴陝見在行抵何處卽著迅速奏聞
多隆阿所稱存營兵勇不足六千人若再分撥恐不能指揮如意
亦屬實情所有穆圖善一軍能否由楚境調回隨同入陝以厚兵
力之處仍著該將軍妥籌辦理至髮逆陳得才等股飄忽無定若
不及早殲除必致不可收拾官文節制全楚責無旁貸前據官文
等奏調撥兵勇分防德安安陸各處並調水師礮船分投策應該

省素多勁旅足敷剿洗仍著官文嚴飭道員金國琛梁作楫等軍奮力兜剿聚而殲旃俾多隆阿悉銳西趨後路毫無牽掣儻任令豕突狼奔蔓延爲患定將督剿不力各員弁從重懲辦前據勝保奏擒獲川匪王現明等犯訊供隨同郭刀刀由平利縣等處沿途裹脅本年六月間到湖北鄖陽府之竹山竹谿等縣官民藏躲有兩寨老漢送馬十六匹煙土五百兩洋布不知數目銀數百兩又到宜昌府興山縣復有老漢送銀五千兩煙土五千兩等語竹山竹谿等縣官弁是否聞警先逃該處寨民是否實有餽賊情事並著官文確切查明據實覆奏將此由六百里各諭令知之○駱秉章奏查川匪郭逆自鶴游坪城口廳山境遁入陝西平利一帶該處與湖北竹谿連界當卽咨會楚省嚴防該逆於七月竄陷竹谿竹山八月折回陝西甄坪廳是竹谿竹山之賊卽係郭逆一股至

石逆全股屢被我軍截擊該逆不敢接戰見由綦江敗竄貴州桐梓邊界誠如 聖諭何以遞越二千餘里竄至鄖陽且有大江之隔斷無任其偷渡自南而北踰越十餘州縣地界之理謹將奉旨飭查緣由據實陳明 上諭據駱秉章奏石逆被擊敗竄見至貴州邊界等語前因石逆奔竄靡定擾及川湘各邊境數年以來迄未撲滅屢經諭令該督撫等合兵兜剿見在被川軍截擊不敢接戰由綦江敗竄貴州桐梓邊界賊蹤飄忽蔓延數省若不迅速殲除勢必此擊彼竄疲我兵力前據毛鴻賓奏石逆由合江竄入仁懷當經諭令毛鴻賓韓超等探蹤剿擊見由綦江倏至桐梓是其被擊窮蹙已有駸駸下竄之勢著駱秉章仍飭帶兵各員跟蹤追擊毛鴻賓嚴飭趙福元等迎頭截勦毋得株守一隅致令兔脫賊蹤已入黔境韓超尤屬責無旁貸著該署撫迅派兵勇會合川楚

各軍實力攻擊務期一鼓殲除毋畱餘孽儻帶兵各員稍分畛域
任令紛竄惟該督撫等是問本日據韓超奏官軍剿辦大定等處
賊匪堵穴揜渠一招畢節縣屬之豬拱箐賊巢見尙負嵎未下卽
著韓超飭令總兵李有恆督率全隊迅速攻剿盡殲醜類其湄潭
暨安思南石阡等處賊窟尙多防禦稍鬆難保不復行竄越並著
韓超嚴飭各地方員弁會同帶兵各員節節剿洗以期迅掃妖氛
奠安疆圉將此由六百里各諭令知之○諭駱秉章奏攻克八角
寨餘匪逃竄龍硯場官軍見已合圍一招此次李卯二逆竄伏龍
硯場經胡中和等督率兵勇挖濠築圍爲聚而殲旃之計所辦甚
是第匪數雖僅三四人而悍黨首逆均在其中困獸猶鬪不可
不嚴爲之防著駱秉章嚴飭在事員弁四面合圍實力防剿務將
積年巨憝一鼓殲除朝廷必當破格加恩以獎將士之勞僅有一

處鬆勁致令坐困之匪乘間突出必將失事之人按照軍法從事
劉蓉見已馳赴該處各營察看軍形妥籌布置卽著飭令拊循申
儆激勵軍心以冀迅速竣事本日又據張亮基奏川省匪徒有句
畱滇練情事業經查明嚴辦等語滇練遣散辦理已形棘手豈容
復有匪徒暗中勾結致生事端除把總袁文龍已由張亮基審明
正法外其袁國楨一犯卽著嚴飭甯甯道迅速審訊從重懲辦至
滇蜀交界之處甚多必須地方官嚴行訪查堵禦方能無句結之
患並著略秉章責成所屬實力查禁如有私畱滇練者卽行訪拏
究辦儻該地方官諱匿不報卽著從嚴參辦將此由六百里諭令
知之○諭張亮基奏覆陳散遣滇練情形又歷陳督辦滇省軍務
事機極難各一摺林自清帶赴川省練眾經張亮基設法遣回見
在林自清僅帶親兵四百名畱川調遣自可漸馴桀驁之氣張亮

基所陳辦理滇事計有六難自係實在情形惟張亮基由滇省知府洊升總督於該省漢回仇釁情形較爲熟悉且回匪滋事伊始張亮基未能及時解散輒引疾而歸並力稱徐之銘辦事之能朝廷遂不次擢用乃數年以來徐之銘毫無展布坐受馬如龍等挾制噤使以致滇事敗壞至此是張亮基保薦非人不能無咎正應力圖報稱以收桑榆之效張亮基前此本有願爲其難之請卽著力任其難與潘鐸熟籌妥辦毋誤事機當此時事孔艱各省疆吏籌兵籌餉無一不難張亮基務當振刷精神入滇以後竭力整頓以副委任另片奏川省匪徒有句結滇練情事已諭令駱秉章責成所屬實力查辦矣將此由六百里諭令知之○予四川陣亡副將李福林等祭葬世職○飭湖北四川湖南山西各省撥解陝西軍餉○賞五城貧民棉衣銀○癸亥諭議政王軍機大臣等耆齡

奏籌調官軍防守溫處進攻金華情形各摺片處郡收復後敗匪
回竄縉雲永康連界時至縣治游弋意在綴我進攻金華官軍之
後著耆齡嚴飭林文察整軍前進由縉雲武義一帶節節剋洗期
與康國器之師合力夾擊迅拔湯溪縣城以期會合左宗棠之軍
夾攻金華毋得再事遷延致該匪四出紛擾疲我兵力慶端所部
兵勇其冗濫者自應裁汰其奮勉出力者仍當善爲驅策秦如虎
受傷調理近日曾否痊愈林文察打仗頗能奮勇慶端固守閩疆
廓清溫處秦如虎林文察之力居多耆齡務當恪遵前旨妥爲駕
馭加意拊循斷不可豫存成見謂閩軍皆不足恃致令得力將士
向隅亦不可謂廣勇盡皆可恃任令桀驁難馴爲地方之害總須
因地制宜因材器使保全閩境收復浙江各城明效昭然可觀不
事空言方爲不負委任甯波官兵民團不甚得力自華爾陣亡後

該郡岌岌可危耆齡擬由上虞一帶督飭文武員弁步步進剿以分賊勢卽著照所擬妥籌辦理彰化縣匪徒尙未撲滅耆齡業經添調金廈興化等營弁兵渡臺助剿兵力不爲不厚著卽速飭曾玉明等軍實力攻剿以期迅卽蕩平廓清海澨蘇鏡蓉與管繼湧爭鬪一案耆齡當飭派往之葉炳忠妥爲勸導並將出力紳民覈實保獎以安眾心而泯嫌隙將此由六百里諭令知之○諭耆齡奏遵查福建被參各款等語福建捐輸釐金官錢局各項弊竇見雖訪有梗概非調查簿據案卷悉心句稽難得確數著徐宗幹督飭鄧廷枏等逐細查審毋稍含糊藩司裕鐸挾妓荒蕪等劣蹟見據耆齡督同委員提訊妓女翠英等供歷次與藩司等讌飲並指出莊姓王姓等同飲各情司道大員如此蕩檢踰閑罔顧廉恥閩省吏治不料廢弛至此實爲朝廷意想所不到不勝憤懣耆齡毫

無諱飾據實具奏不負委任深可嘉尙而浦城縣知縣柯霖並非承審之員擅自提問並幕友屬令隱匿緊要情節顯係該縣授意教供情殊可惡著卽撤任並幕友二人一併歸案嚴審供出之莊姓等雖未指明官階名字無難懸揣而知著徐宗幹飭令裕鐸將同飲各官姓名指出毋任狡展儻該司尙敢枝梧卽行革職嚴訊見在耆齡赴浦城防剿未遑兼願徐宗幹責無旁貸務令水落石出斷不准稍有含混瞻徇代人受過懷之勉之耆齡另摺奏副將惠壽勦匪不力招撫草率等語順昌沙縣等處土匪頻年攻剿未能肅清逆首李阿四負隅抗拒招撫之匪首鄭樟等尙未誠心向化而該副將狃於積習粉飾了事甚爲可恨著徐宗幹嚴飭帶兵員弁實力攻剿盡殲醜類斷不准憚於徑險山深希圖遷就此次惠壽尙係狃於積習姑准從寬嗣後有似此者必當以軍法從事

著該撫傳諭在營員弁各自奮勉毋謂不戒視成也將此由五百里諭令知之○飭催各省欠解京餉並嚴定處分○予恭代行禮總理喪儀王大臣及承辦各員加級有差賞守護 隆福寺行宮拜唐阿兵丁等半月錢糧○以福建廣東山東各督撫玩延京餉下部嚴議○甲子都與阿奏據曾國荃函稱逆賊大股各路麇集橫列五六十里偏濠築壘分股撲犯雖經各營擊退無如逆勢甚眾軍中病勇太多已穩守半月過形勞苦請分撥兵勇二千趕緊過江由大勝關前來助剿又據曾國荃函稱身受洋槍子傷幸不甚重尙可照料等語因思楚軍爲全局所關不能不設法抽撥兵勇趕緊赴援先穩軍心當派遊擊楊心純等督率楚勝勇及仁勇智勇等五營由儀徵六合浦口江浦繞道前進渡江援剿另派副將刁經明約束兵勇護送前往於初七日啟程再刻下南岸賊氛

竊動江防極爲喫重前經吳全美親往下游節節布置以杜逆匪
紛竄並查拏句通賊匪之游兵撤勇隨時懲辦吳全美黃彬於上
游江面布置妥協後又下駛沿江要隘派船梭巡務臻周密見幸
揚防各營疫氣已輕兵勇漸多痊愈當不致稍有疏虞袁甲三奏
據李世忠疊次咨稱該提督頻年征戰身受多傷目下傷病齊發
懇請代爲奏辭幫辦並開提督本缺俾資調養其豫勝營全軍由
該提督另選一人接統等情臣查該提督傷病俱發係屬實情惟
滁軍進攻九洑洲分兵駐紮龍潭石埠橋扼南北之衝該提督受
恩優渥自應力疾支持勉圖報效當勸延醫調治聯絡水師迅克
要隘會搗金陵且該提督熟諳兵機忠勇有謀統帶不下數萬人
一時亦乏人接手並聞九洑洲之賊於閏八月二十四日突犯副
將李顯安營盤雖經該副將擊退難保不去而復來僞護王陳坤

書糾領大股竄撲甯國欲以牽掣楚軍偽忠王李秀城亦抵金陵會合城賊麇集南門城外狡焉思逞是江南正當喫緊自應合力夾攻未便驟易生手見在李世忠一軍奉旨歸曾國藩節制屢經該大臣籌給軍裝糧米曾國藩於用兵用人之道頗有權衡雖據李世忠疊次懇請代奏臣究未經允許亦未敢壅於上聞 上諭議政王軍機大臣等江南逆賊各路大股趨救金陵計圖逞於楚軍曾國荃以孤軍深入南望時深塵念茲據都興阿奏曾國荃各營屢爲大股逆賊撲犯雖經當時擊退設法堵剿而逆勢日張軍中病疫者多業經穩守半月兵勇過形勞苦疊次飛檄請援都興阿當派遊擊楊心純督帶湖南兵及仁智等勇五營由儀六繞道渡江援剿其江防下游吳全美黃彬親歷梭巡查拏奸宄所辦尙屬周妥曾國荃身受槍傷雖據稱尙可照料然自此當倍加慎重

以期穩固軍心著曾國藩飭令該藩司堅力固守務立不敗之地使賊勢雖盛技無所施見聞江北各營疫氣漸消江南亦可漸滅仍恐諸軍新病之餘尙嫌單弱卽著曾國藩仍遵前旨檄催蔣益澧之軍分撥前來以厚兵力如一時未能分撥卽著左宗棠飭令蔣益澧等兵力攻金華進取杭州以分江南賊勢袁甲三所奏李世忠傷病舉發呈懇開缺自亦實在情形惟滁軍進攻九洑洲及分兵駐紮龍潭石埠橋均極緊要並據稱九洑洲賊突犯副將李顯安營盤雖經擊退難保不去而復來僞護逆忠逆等皆糾領大股圖援金陵李世忠所部分紮南岸人數不少且天長六合等處均係該提督之軍駐守非但不能遽撤致滋他患卽由該提督另舉一人接統其眾亦恐多有非宜李世忠本係幫辦軍務大員材武甚屬可用且屢立戰功忠義奮發當茲金陵戰守緊要之時朝

廷正資其力該提督亦正當奮勉出力以赴功名豈得以傷病遽
思引去曾國藩於該提督性情才略各有短長之處均極深悉此
等人才負其雄鷲之姿既能束身歸命總宜因材役使化其桀驁
俾爲我用豈能置之無用之地轉以啟其猜嫌曾國藩用兵日久
於軍務機宜人材籠絡之方自能洞悉著卽將此旨節錄傳諭李
世忠令其迅簡精銳數千馳赴曾國荃軍營幫同擊勦彼見該大
臣肯給與札諭必能踴躍用命藉資臂助是否可行該大臣酌量
辦理袁甲三與該提督呈請代懇開缺未經允准所奏尙合機權
仍應告以該大臣與曾國藩治軍馭將俱屬朝廷法度斷不至有
彼此之殊以安其心都興阿另片奏已革都司劉大彰通賊業已
軍前正法等語李德麟所統水師人甚夾雜此次劉大彰卽係所
部之員殊恐其中尙不止此人仍著都興阿督飭吳全美黃彬

等隨時密爲巡查毋稍疏忽正在寄諭間官文等奏賊竄應城官軍攻克復經闖入孝感縣城雖當時擊走而賊尙蔓擾黃孝一帶見籌勦辦等語此股逆匪見在黃孝等處陸通黃麻水通武漢尤恐其復窺伺皖境英霍一帶並由江路順流而下圖犯安慶均爲可慮著曾國藩於後路水陸等處妥爲豫防唐訓方抵皖於皖省各軍亦卽知照豫爲調度毋失機宜將此由六百里各諭令知之○諭官文嚴樹森奏鄰寇環偪鄂省兵力不敷請飭多隆阿回援一摺該省猝被賊擾股匪甚多兵勇分路防勦幾有應接不暇之勢官文等見已咨行多隆阿剋期督兵回援鄂省第陝省回匪蔓延甚廣曾經諭令該將軍移師援陝勢難令其折回楚省往返奔馳曠廢時日致陝楚軍務兩皆耽延多隆阿前派穆圖善一軍赴鄂援勦若未能遽撤赴陝不妨暫畱楚省至鄂省尙有李續燾一

軍可由豫省調回截勦先願本省並著毛鴻賓趕緊將楚南勁旅
挑選數千名遴派得力鎮將管帶剋日馳援鄂省官文等惟當將
所調穆正春等各路之軍飛催前進就見有兵力嚴密堵勦毋任
賊匪南窺省垣東竄皖境是爲至要正在寄諭間續據官文等馳
奏攻克應城賊匪竄陷孝感立時擊退情形一摺賊蹤飄忽靡定
意在由楚回皖歸併金陵該督等見飭舒保等馬隊並副將藍斯
明等軍併力合勦卽著督令該將士等扼要截擊務令就地殲除
勿令回竄皖境黃安麻城一帶陸路空虛固應嚴防武漢黃三郡
沿江一帶水路尤應嚴密扼守漢口至黃州一路商民船隻均須
先期提歸南岸毋令賊匪擄掠縱橫江面致勦辦益形費手本日
已諭令曾國藩嚴防皖境水陸要隘並令知照唐訓方將英霍一
帶邊境嚴密堵扼將此由六百里各諭令知之○諭毛昶熙奏捻

據河洛一帶勢恐東趨省防喫重見籌布防守情形一摺據稱
捻逆經副將楊長春擊敗後由白楊樹南竄汝州之臨汝嗣復折
回滋擾洛陽之龍門關林偃師之白馬寺孫家灣等處賊氛逼近
鞏縣之黑石關鄭元善見在河南郡城東南兩面俱爲匪隔十日
以來文報不通不知撫臣如何勦擊該匪儻由洛陽偃師鞏縣東
駛卽至省垣業飭部署舊存兵練及續行調至之遊擊邵春仁都
司蔣東才等壯勇共一千名分布省城內外並號召團練屆時助
勦等語毛昶熙旣稱此股捻匪被官兵追勦緊急所過鄉村寨堡
均有團練截殺是該逆被勦窮蹙卽難來往自如乃又云飄忽靡
定忽南忽東不知追勦者何地截殺者何賊其爲紙上空談已屬
顯而易見又稱陳祿興等軍飭卽日移營鄭州見在捻逆竄擾洛
陽偃師逼近鞏縣自宜由鞏縣進兵痛加勦洗力遏東竄乃僅移

營於距賊甚遠之鄭州名爲豫顧省城實則避賊而行於擊剿洛
假之匪有何益處若如該侍郎之意存敷衍毫無實際豫匪尙有
殲滅之期耶鄭元善身任豫撫剿匪是其專責總以截剿賊匪肅
清地方方爲不負委任非空言所能搪塞近日何以株守河南郡
城爲匪所隔未見有所展布著鄭元善毛昶熙督飭各軍認真剿
辦迅將洛偃一帶逆匪實力殲除毋令東竄毛昶熙仍將省城防
守事宜嚴密布置以期有備無患不准仍前敷衍了事黃河口岸
關緊要著鄭元善毛昶熙嚴飭河北鎮道扼要嚴防不准一賊
偷渡該逆蔓延洛偃一帶勢甚猖獗豫省兵力恐尙不敷分布著
僧格林沁酌度情形應如何撥兵協剿之處務當妥籌兼顧將此
由六百里各諭令知之○予湖北陣亡副都統德克敦額同知韓
體震祭葬世職建祠○乙丑諭內閣武會試考官趙光等奏武舉

試卷不合可否取中請旨遵行一摺本年壬戌科會試山東山西廣東各省武舉試卷有曳白及多寫題目等字樣者雖據奏稱該武舉等外場較優而內場究屬違式不合著該考官將各武舉試卷仍遵定例取中其違式不合者不得取錄以符定制○丙寅僧格林沁國瑞奏亳州迤北白旗捻首李廷彥滋擾地方盤踞數寨並分踞盧廟邗大莊等處阻隔歸亳要路行旅爲之不通亟宜先攻盧廟方可節節前進臣等於閏八月二十五日帶領夏邑馬步兵勇移紮商邱之黃仲集其夏邑營盤卽令單縣調到官兵駐紮二十六日督隊進攻盧廟賊巢用礮轟擊賊匪負嵎死守急難攻進次日往攻該逆仍復堅守適逆首李廷彥率眾來援圍賊開門出應經我軍誘至盧廟東北乘勢掩殺追至東寨門斃賊甚多生擒悍逆李金兒正法餘匪狂奔回寨勢漸窮蹙據逃出人等供稱

此寨擒匪原欲投降因邢大莊擒逆李廷彥不允是以眾心猶豫因思各寨既聽李廷彥主持先必攻拔邢大莊始能攻取盧廟遂調永城駐紮之翼長全順舒通額等帶領馬步兵勇移紮界溝集以便兩路進攻其永城一帶仍令營總富和帶領馬隊並降眾在彼駐紮九月初五日臣僧格林沁仍攻盧廟賊巢臣國瑞帶領舒通額等兵勇進攻臺北之邢大莊先將附近賊卡數處攻克督軍進至邢大莊查該寨東北有張大莊西北有丁莊兩處相爲犄角雖用炸礮轟擊該匪仍拌死相拒兼有左右二圍策應進攻不易當卽傳諭丁莊如再敢行接應卽先進攻該圍擒首丁廣兒遂情願投誠不敢復拒官軍初六日我軍進攻張大莊正攻期間邢大莊出賊援救經翼長舒通額帶隊抵禦臣國瑞揮軍奮攻轟倒圍牆守備謝起發等鼓勇先登餘眾繼進短兵相接斬馘千餘名匪

勢不支於西門齊向邢大莊奔竄均經舒通額恆齡等圍殺淨盡
並獲獲匪首張守玉正法是日因丁莊並無拒敵情形旋將該圩
收撫初七日臣國瑞仍攻邢大莊該莊勢已孤立我軍列礮環擊
李廷彥詐稱投誠遂將計就計將李廷彥等三名誘出擒獲解營
正法初八日進攻仍未得手臣僧格林沁前於初五日攻勦盧廟
始猶抗拒繼因攻圍緊急勢不能支卽有擒匪范添雲等七名前
來乞降初六日該寨首事唐承棕等四名出圍投誠訊據供稱擒
首李懷篤等率眾占踞圍寨擒首李懋奇彭春兒等拒守北面李
懷篤等在南面拒守伊等與李懋奇願爲內應殺賊獻寨投誠當
准所請李懷篤等卽於是夜由南門逃竄初七日官軍齊至盧廟
經翼長全順將擒首李懋奇等六名傳出圍寨訊稱情願作爲前
隊殺賊效力卽令全順督飭總兵成景等查看圍眾分別遣留臣

僧格林沁卽於初八日進攻盧廟迤西之孫老莊該寨擒首孫彩蘭並不自出投誠僅令高獻璋等納款情詞爛熳顯係緩兵之計當飭投誠之李懋奇領眾進攻翼長恩承蘇克金等繼至槍箭齊施一擁而入卽將擒首孫彩蘭等七名並寨內賊匪千餘名盡行殺斃救出被脅老弱無算是日先派營總常山保等帶隊進攻孟樓賊聞自屋至末尙未得手臣僧格林沁於攻克孫老莊後馳赴孟樓併力攻勦該逆仍負隅相抗初九日臣因邢大莊尙未攻克遂一面派蘇克金等仍攻孟樓賊寨一面親督各隊進攻邢大莊是日官軍馳至孟樓該匪已於夜間竄出歸併邢大莊圍內該寨牆高濠深攻撲非易我軍仍用炸礮由南面轟擊然燒却內房屋並恐其乘夜逃竄派恆齡馬隊及盧廟降眾設伏以待夜間該逆果有蠢動我軍乘勢越牆一鼓齊上殺入圍寨逆匪卽由東門奔

實經恆騎馬隊截殺數百名其餘乘夜遠遁圍內賊匪經兵勇搜殺及落水死者不計其數救出難民數百名當將邢大莊克復適蘇歸亳州迤東之黑旗擒首宋濬沅因與擒首蘇添幅爲仇遂決意反正先將擒首蘇大王蔣能幹等九名殺斃並遣其弟宋中沅等來營爲質宋濬沅復攻開王大莊劉大莊賊寨兩處殺斃擒首蘇添詳王寬帶同伊姪宋惟忠宋懷樸並司學文等十六人同赴界首軍營請罪經蘇克金解送到營臣等查宋濬沅實屬真心歸正當經准予薙髮復令回歸招撫降眾旋據宋濬沅稟稱蘇添幅糾合賊眾攻伊圍寨遂派蘇克金等帶隊赴宋濬沅圍寨助勦並責得該寨均已薙髮復據宋濬沅稟稱伊所管各寨亦已一律歸正惟丁花園王路口五馬溝岳樓高閣顏集八里莊尙未投誠稟請嚴辦臣國瑞因於攻勦邢大莊撤隊時路過丁花園卽行督兵

進攻乘夜圍擊遂將丁花園寨濠全行平毀王路口五馬溝岳樓
八里莊並李棗園香鋪吳廟口吳家莊各小頭目圍寨均各聞風
投誠臣等隨委守備桂錫植赴各寨察看屬實復派常山保帶隊
同亳州知州劉蘭馨等馳赴各寨稽查安撫以期日久相安查毫
州迤北捻逆盤踞數年時出焚掠荼毒生靈今仰託 聖主鴻福
旬餘攻克賊巢數處收復多寨將著名捻首李廷彥擒獲明正典
刑洵足以寒賊膽而振軍威見在亳州迤北肅清仍當節節進剿
已於十三日督帶官軍移紮永境之鄆縣城以期次第掃蕩 上
諭議政王軍機大臣等亳州迤北捻逆盤踞數載四出滋擾實爲
地方大害此次僧格林沁督軍進剿於旬月之間將著名捻首李
廷彥等擒獲正法收復賊巢多處亳州迤北一律肅清勦辦甚合
機宜第蘇添幅一股尙未殲滅著僧格林沁嚴飭蘇克金等督率

降眾實力攻擊盡殲醜類前據官文等奏另股毫捻由陳家河等處竄徇棗陽又據毛昶熙奏河洛捻股恐夏邑馬隊沿途扼截不敢回巢見在尙無一定去向各等語是該捻懼於聲威旁趨紛竄已有明證此時該大臣乘勝進兵直擣捻匪巢穴該逆聞風震懼更難保不四出紛竄東窺清淮西走楚豫爲移巢避兵之計若非各路兜剿爲患終無了期見在防守潁壽等城之兵截賊南竄實其專責卽著責成唐訓方督飭蔣凝學等軍認真扼守毋得稍有疏虞至清淮一帶防務屢經吳棠奏稱布置已屬周密卽著先事豫防妥籌戰守並迅商黃開榜一軍秣馬厲兵聽候僧格林沁調遣會合進兵以剿爲防力顧東路將來大兵深入儻吳棠唐訓方等防剿無方致令賊蹤紛擾或東或南何路有失卽惟何路之統兵大員是問決不寬貸僧格林沁公忠體國想必能統籌全局調

度得宜也將此由六百里各諭令知之○諭沈葆楨奏江省邊防萬緊擬增募勇丁以資戰守請暫留漕折銀兩一摺金陵援賊由東壩竄新河莊東門渡一帶鮑超所統各營退回甯國皖南軍情萬緊豫捻蔓延楚界上游下駛一葦可杭非有精銳之師相機隨勢與之相持則乘隙而來各防幾同虛設沈葆楨見飭參將韓進春赴興國募勇五千名以備折衝自應如此辦理惟所奏本年漕折提解銀兩關繫京皖各餉全行停止勢有難行見在江省情形急迫准其悉數提充本省軍餉俟防務稍鬆仍應酌量分撥至金陵賊勢猖獗大營既苦守待援甯國又復喫緊鮑超之病已否痊愈曾國荃受傷是否平復頗深慮念揆度賊情北犯楚境南則圖竄江西均欲斷曾國藩左宗棠等軍之上游且以阻其餉源計甚狡毒曷諭酌調蔣益澧所部十營馳赴金陵以厚兵力未審已否

酌調儻徵防有警仍須調撥蔣益澧之師則左宗棠軍營兵力又單前據耆齡奏擬調林文察所部六千赴龍游以助浙軍該總兵素稱得力距左宗棠大營近在咫尺儻蔣益澧之師分赴各處卽著該撫檄調林文察所部藉資攻剿沿江上下竭將士年餘苦戰之力克復數十州縣曾國藩等務當先保已成之功再圖進取其各營見在疾疫情形並著隨時詳細具奏將此由六百里各諭令知之○諭勝保奏派兵追剿敗竄川匪獲勝並移兵會剿回巢一摺川匪由漢中西竄經勝保調派副將王佐臣督隊由鄂縣澆峪等處跟蹤追擊該匪竄踞民寨官軍分路攻剿該匪鋌險奔逃營總訥恩德善等沿途兜擊先後斃賊數千名剿辦正在得手而勝保因涇陽鳳翔被圍輒令王佐臣移得勝之兵馳往剿辦深恐餘賊未能殲盡其勢必將復熾自應俟此股竄匪剿除淨盡後再行

相機調遣方不至顧此失彼毛震壽攻勦洋縣匪徒正當喫緊恐難分兵截勦仍著勝保嚴飭該副將盡力追擊務將逃竄賊匪悉數殲除勿畱餘孽勝保駐軍西安將近兩月並未出省督辦實屬任意延玩著卽剋日起行親率各軍迅將咸陽一帶回巢節節掃蕩並分飭將弁兼顧同朝其亭口華亭三水等處官兵仍遵前旨卽令馬德昭前往統帶以杜該匪竄越甘境之路勝保另摺奏請將已革知府廖慶謀畱營免其解往查辦等語廖慶謀被參各款係在勝保未經調赴軍營之先業經降旨交僧格林沁查辦自應靜候該親王查明辦理如廖慶謀果無劣蹟所參各款盡屬虛誣僧格林沁自不難秉公昭雪勝保何得多方袒護遽請畱營著卽派委妥員速將該革員押赴僧格林沁軍營聽候查辦不准遷延將此由六百里諭令知之○以恭送 梓宮賞直隸辦差員弁加

級兵丁一月錢糧○予陝西陣亡遊擊恭勒額祭葬世職入祀昭忠祠○戊辰諭內閣前因武會試考官趙光等奏武舉試卷不合可否取中請旨當經諭令遵例取中違式者不得錄取茲據御史張晉祺梅啟照各奏稱武闈鄉會試定例應先於雙好字號內選取如不足額始取單好至內場默寫武經違式者不得取中例有專條本年壬戌科武會試山東等省武舉有外場列入雙好因內場誤寫題目或越幅書寫覈與例載違式者不同請飭嗣後武場照例辦理等語武闈鄉會試均以外場爲重內場試卷小疵原可不必苛求惟有干例載違式專條者不准取中其內場試卷別有舛誤並非例文所指違式專條外場已列雙好應否仍行錄取並無明文應如何畫一辦理之處著兵部妥議章程具奏尋議上武闈以外場爲主至小場有犯違式專條者應遵照定例不准取中

其餘舛誤仍准取中但不得濫置前列從之○諭前因吏部戶部會議御史裘德俊所奏商賈人等不准捐納正印官以示限制當經降旨允准續據戶部奏稱捐銅局接奉此旨後捐生觀望有礙餉需請仍照舊章辦理復經有旨依議茲據御史劉毓楠孟傳金奏稱前後所奉諭旨未符請折中辦理並明降諭旨各等語戶部所奏捐銅局捐輸章程請仍暫照舊章辦理因恐捐生畏難觀望不能不權宜一時是以於原奏內聲明軍務稍平再行遵辦於所奉諭旨尚非不符惟該御史等所奏係爲澄清流品起見著該部一俟軍務稍平卽將商賈人等不得報捐正印及捐生取具京外各印結章程遵照前旨辦理○譚廷襄奏教匪恃其險阻踞守甚堅臣督同總兵保德等軍分班巡哨遇賊卽擊屢有斬擒九月十二日大股賊匪從山口分路竄向西北尚阜境內約計馬步七八

千澗湧而來直趨元曠官軍營盤守備蘇泰千總張大富等整隊迎擊鏖戰多時斃匪數十名該匪愈聚愈多又由東南饅頭山突出一股意在攻撲營盤包鈔後路蘇泰張大富等回軍與守牆兵勇施放大礮擡礮盡力環擊轟斃二三百名該匪抵死不退勇丁傷亡數人翼長海羣帶隊適至添放排槍賊勢稍卻劉志和郭大勝馬步援軍亦至元曠當卽會同海羣及蘇泰張大富各隊三路齊上斃匪數十名該匪全行竄入魯固山口踞守十三日黎明該匪大股潛繞山頭民寨以北搶掠邊馬竄過山南放火意在牽掣後軍我軍馬步分路包鈔左右橫擊該匪分股迎戰我軍勇氣百倍殺聲震天槍礮齊施刀矛並舉立將賊陣截爲數段匪勢不支紛紛敗散追殺二十餘里殲斃匪眾約三四千名生擒一百五十餘名均在軍前正法乘勢追擊因山口險窄自相踐踏死者約數

百人又經刀砍矛刺死者四五百人祇餘殘匪數百人翻山越嶺而遁伏查該匪巢內本有數萬之眾實能接仗者度亦不過一二萬人計自滋事以來從未大受懲創經此一戰精銳幾斃其半逆膽已寒其中裒脅之人本已離心臣惟有乘此聲威嚴督諸軍設法進取迅速掃蕩以期早就肅清上諭議政王軍機大臣等該匪經此大創自應震懾軍威亟宜乘此聲威力圖進取此時匪巢黨與勢必益形渙散該撫更可購覓內應離其腹心以期攻克老巢爲一鼓殲擒之計著卽相機辦理毋稍疏忽至淄博匪徒雖經官軍將太和莊等處匪眾擊散收復各莊而淄川縣城仍爲匪踞費縣棍匪數股復撲犯蒙沂邊界勢將徑趨青州與淄博匪徒勾結該撫見派副將范正坦都司馬春嶠各軍分赴蒙陰蘭山截擊並調青州駐防兵嚴堵要隘著卽嚴飭帶兵各員實力堵勦毋令

竄越句結致滋蔓延儻有堵剿不力之員卽著嚴參懲處匪首劉德培見已率眾南竄句結棍匪由蒙陰松仙嶺北擾青州守高鎮帶勇馳往博山一帶地方突遇棍匪接仗陣亡委員鄭啟勳匪眾復將高鎮圍困於石門山寨內是該匪黨與甚多股數紛繁若非及早撲滅勢將四出滋擾漸至燎原該撫見調恩縣兵勇前往會合各軍夾擊著卽飭令就地殲除不准縱令各匪延及他處並嚴飭吳載勳將淄川縣城速行克復盡殲醜類儻督責不嚴致令匪蹤蔓延日廣必治該撫以貽誤地方之罪吳載勳前以匪首劉德培與太和莊匪徒並無句結未卽立時拏究見在高鎮搜擒太和莊逃匪卽有劉德培之弟劉培元在內是吳載勳之畏憚貽誤已可概見著卽從嚴查辦劉錫鴻既能曉暢戎機卽著該撫畱營差委以資得力將此由六百里諭令知之○命文謙畱京以石贊清

爲直隸布政使

由順天府尹遷

○予山東陣亡未入流鄭啟勳祭葬世

職○庚午曾國藩奏目前軍情可慮者約有四端僞忠王李秀城率十餘萬賊救援金陵更番猛撲雨花臺營盤自閏八月二十九至九月初六等日晝夜不息曾國荃面受洋槍子傷幸尙無礙又據蔣益澧來稟僞侍王李侍賢帶賊三四萬由浙赴援金陵我甯以病餘之卒苦守半月疲乏已極若再添侍逆一股殊恐難支此金陵之可慮也黃汶金等逆竄犯甯國盤踞於廟埠仰賢圩油榨溝新河莊等處綿亙近百里據擒獲匪黨供稱該逆不得逞於甯國決計繞竄南陵青陽上犯江西目下各營病勇未痊缺額未補卽能竭力保守甯郡而灣沚無陸師駐防該逆若由間道上趨不能分兵堵截此甯國之可慮也小丹陽之賊已由東壩拖過戰船數百號時圖出江我軍水師自湖口至金陵分防二千餘里地段

太長兼以弁勇病者過多又新添李朝斌帶三營馳赴上海兵以分而愈單設賊船乘間衝出則江中糧路俱斷此水師之可慮也豫省大股髮捻近復竄至德安有取道皖境回援金陵之說自廬州克復後皖境各城空虛一經逆蹤闖入又將到處糜爛此皖北之可慮也此外如蕪湖金柱關等處亦俱賊多兵寡在在堪虞所幸曾國荃營中竭力支持業經兩旬大局未至決裂近又獲勝兩次從此力圖營救當可勉撐危局臣見調駐紮蕪湖之王可陞一軍馳赴雨花臺又調上海程學啟一軍雇坐輪船趕赴金陵均幫助曾國荃共守營濠調李世忠一軍由龍潭石埠渡江由孝陵衛北路而來調鮑超一軍及見駐旌德之朱品隆一軍均由采石南路而來兩頭夾擊冀解重圍此挽救金陵之拙計也當羣賊甫集時鮑超卽力疾自蕪湖馳回甯國竭力整頓將病者傷者安置城

內簡選精銳紮營城外張運蘭全部登陴主守鮑超所部出城主
戰初三日在廟埠獲一勝仗擬於初六日移紮高祖山兼顧西河
灣臣與浙江撫臣左宗棠函商調藩司蔣益澧一軍由浙境馳
赴皖南與張運蘭會辦甯國防剿事宜鮑超能於日內大破黃胡
各賊固爲至幸若不能破賊亦可抽出鮑超一軍馳援金陵而以
蔣益澧接辦甯國軍務至南陵爲內竄之路鮑超已派總兵婁雲
慶駐守其皖南之徽州祁門江西之湖口景德鎮臣與沈葆楨亦
均派兵防守各城此挽救甯國之拙計也至水師防務楊岳斌病
已漸愈力疾督守金柱關彭玉麟分巡灣沚蕪湖各要隘臣又簡
駐紮安慶之副中兩營趕緊下駛又飛調李朝斌三營由上海折
回金陵該逆如欲衝出大江合各營未病之兵尙可與之力戰挫
其兇鋒惟皖北地廣兵單臣前調提督成大吉由三河尖馳赴英

霍福機防勦見在安廬兩府料理城守事宜一面截斷李進軍新
募之淮勇五營駐守連漕鎮保守膏腴之地而舒桐潛太一路非
有大枝勁旅不足以資控扼昨接勝保來咨陝西省城業經解圍
附近逆巢亦經掃蕩又接官文李鴻章來咨已奏請多隆阿一軍
回援東南相應請旨飭下多隆阿迅速東還駐紮舒桐兼顧鄂皖
以期保全大局又奏據鮑超文稱甯國縣城於九月初六日失守
該縣前派韋志俊洪谷海兩降將守之本屬不可深恃而韋志俊
又因患病就醫蕪湖見在該縣既陷徽州旌德兩城首當其衝唐
義訓朱品隆兩處兵力皆單又久病缺餉深恐不克支持臣見催
調蔣益澧一軍來援徽州旌德若兩城能堅守二旬則援軍即可
趕到臣本擬調朱品隆偕鮑超援解金陵之圍今旌德且恐不保
鮑超亦三面受敵自不便再行抽調馮子材魁玉奏湯岡踞匪自

襄天豫黃逆投首後匪巢不出時復自相驚擾臣等乘其逆志不固於九月十二日令總兵文隆德陶茂森田宗揚分帶馬步各隊相機進攻臣等統率各營暨鎮江府知府金以誠督率團練嚴守內外兩城並飭水師一體防備各隊行過分龍岡里許該逆見我軍猝至卽四路狂奔陶茂森等督隊填濠一鼓而進羣賊並無鬪志棄壘奔逃官軍奮力掩殺斃賊千計當將湯岡逆壘九座踏平賊分兩路向句容遁走總兵田宗揚卽派遊擊林從太等由黃龍岡追勦文龍德督飭遊擊汪桂元等跟蹤勦洗沿途擊斃及投水之賊約數百名至青山地方復踏毀逆壘二座餘賊悉竄回句邑林從太等鈔截逃賊尾隊斬擒甚眾兩路追勦官兵直至東昌街地面始行收隊查逆匪久踞湯岡雖圖牽掣大軍實則垂涎鎮郡茲幸聖輿已拔足挫兇鋒惟鎮防孤立江濱難保該逆不糾黨復

至惟有嚴密籌防再圖進剿 上諭議政王軍機大臣等曾國藩
奏各路軍情甚緊請飭多隆阿回皖並甯國縣失守及藩司未能
實心辦理釐金各摺片覽奏曷勝馳念逆首李秀城等圖犯金陵
營盤曾國藩本擬調鮑超朱品隆兩軍馳援而甯邑既陷皖南喫
緊蔣益澧已否馳援當此軍情萬緊之時朝夕情形不同一切調
度卽著該大臣妥爲籌辦陝西回匪據勝保所奏各情未可盡信
已諭多隆阿星馳入關剋期辦該將軍此時萬難南旋本日已
諭李續宜迅速回皖並著曾國藩函催令其在楚南或有勇丁可
募酌帶數千馳回皖省以備補足各營缺額袁甲三在營年久著
暫緩回籍俟李續宜到後再行交卸唐訓方所帶親軍卽著曾國
藩酌量情形應駐何處或在舒桐一帶駐紮均由該大臣妥爲調
度以顧上游李世忠人雖桀驁而貪功喜勝此時不能不加意籠

絡曾國藩見已檄調其軍卽著傳旨嘉獎其奮勉立功之意並催其迅速渡江俾其部下人人思奮不與逆賊同立該提督素有此志此時諒更不肯稍爲退縮致啟人言曾國荃前此乘破竹之勢直抵雨花臺原冀逆首聞風警慄此時援逆麕集斷不可逞致爲所乘若能堅守旬月俟各路援兵齊至該逆技無所施必可望轉危爲安曾國荃務當激勵士卒竭力固守所有出力各員弁著曾國藩隨時奏請獎勵已經克復地方務須竭力支持斷不可得而復失前諭左宗棠檄調林文察一軍見在蔣益澧已赴徽州則浙軍又形單薄該總兵本係援浙之軍耆齡自當以大局爲重卽著該撫恪遵前旨趕緊檄調用資防剿江西釐金係皖軍餉需所依賴李桓並不實心經理殊屬玩泄該大臣見在添派劉于濬等力圖整頓卽照所擬辦理儻李桓始終疲玩著卽嚴行參奏袁甲三

另片奏副都統善慶等分別回旗等語見當軍務方急善慶張得勝平日打仗勇往尙稱得力與穆克德布均著暫緩離營俟軍務稍定再行請旨遵行又據馮子材等馳奏蹋平湯岡逆壘一摺該逆遁回句容尙未大受懲創難保不去而復來著馮子材魁玉加意嚴防無稍疏懈有人奏曾秉忠自革職後延不交卸縱兵通賊到處擄掠並釐局委員金姓閔姓貪婪庸劣請飭查辦等語曾秉忠之缺既令黃翼升接署何以尙未交卸著曾國藩李鴻章查明勒令交卸迅飭赴營差委該革員所部均係廣勇此時未便操之過蹙致生他變著李鴻章查明如有前項劫掠等弊設法遣散回籍免生事端委員金姓諒係知府金鴻保該員與閔釗等狼狽爲奸人所共知閔釗兪斌既經李鴻章查參金鴻保事同一律豈可獨邀寬免著該署撫懷遵前旨卽行嚴參毋爲人言所欺致除惡

不盡於吏治難期整頓也將此由六百里加緊諭知曾國藩袁甲
三者齡李鴻章左宗棠馮子材魁玉唐訓方並傳諭馬新貽知之
○甘肅靈川回匪肆擾諭恩麟迅籌剿辦○衍聖公孔繁灝卒賞
治喪銀一千兩○予安徽陣亡遊擊黃國堯祭葬世職○辛未諭
議政王軍機大臣等鄭元善奏河防嚴密捻股未能偷渡匪竄白
沙一帶見飭將弁追剿一摺另片奏捻匪攻撲項城盤踞曹寨等
語捻首孫老畏糾眾回撲洛郡該匪以東北兩路未能竄越見由
白沙鎮向汝州一帶遁駛亟宜跟蹤追躡盡殲醜類著鄭元善飛
飭盧得勝迅速會同楊長春各軍剋日拔隊追剿毋得以賊蹤稍
遠任令該將弁遷延不進貽誤事機許州爲東竄要路毛昶熙見
派陳祿興駐紮著卽嚴飭該遊擊隨時探明賊蹤迎頭截擊前因
洛陽喫緊節經諭令僧格林沁派兵援剿見在匪勢南趨有乘隙

歸巢之意豫省止此兵力深恐未能遏截仍著該王大臣酌度機
宜選派得力馬隊改由洛河以東一帶繞出賊前會同豫軍夾擊
截其回巢以期聚而殲旃勿稍遲緩河岸渡口見雖一律肅清惟
該匪飄忽無常仍著鄭元善諄飭該鎮道等加意巡防毋稍鬆懈
擒匪劉紹祿竄擾項城縣境盤踞曹寨攻撲縣城雖經該縣知縣
擊退而曹寨距縣城甚近鄭元善調派已革參將尹嘉賓馳赴項
城著該撫速飭奮勇進攻會合在城兵勇協力剿擊務將劉紹祿
股匪迅速撲滅毋令蔓延鄭元善另片奏張曜難勝藩司之任已
明降諭旨將該員開缺以總兵候補並歸僧格林沁節制矣張曜
屢立戰功朝廷用其所長卽著僧格林沁等傳諭該員振刷精神
迅將陳逆老巢剋期攻拔鄭元善另片奏洪貞謙帶兵不能得力
各情亦經明降諭旨撤去按察使嗣後不准再令該員帶兵並不

准其前赴勝保軍營黃綠人幕皖南防期最關緊要卽著該撫迅
派得力大員前往接辦洪貞謙聲名本屬平常仍著鄭元善確查
該員有無別項劣蹟據實參奏不准稍有回護將此由六百里各
諭令知之尋張之萬遵查洪貞謙並無別項劣蹟報聞○改河南
布政使張曜以總兵官候補歸欽差大臣僧格林沁節制以帶兵
不力撤署河南按察使洪貞謙任下部議處○壬申諭議政王軍
機大臣等英杜奏回匪突過陝省洛河竄撲朝邑副將哈連陞被
逆回擁往回巢不返以致敷水鎮營盤被陷萬一潼關有失秦晉
壤地毗連防守更無把握請飭多隆阿速由河南浙川廳直趨潼
關相機防剿並據愛仁王茂蔭奏請飭多隆阿扼守潼關各等語
多隆阿一軍所部本屬無多見在移師入關於商南一帶尙能兼
顧若捻逆由洛西直趨陝州靈閿鈔襲該將軍後路多隆阿既有

雖長莫及之勢而豫省兵力又甚不得力應如何抽撥勁旅調赴
河洛以西力扼捻匪西竄爲多隆阿後路援應之處著僧格林沁
妥籌兼顧至山東門戶關繫緊要仍著該大臣嚴密堵禦毋稍鬆
勁將此由六百里加緊諭令知之○諭勝保奏咸陽進剿攻克馬
家堡及普馬寨等賊巢一摺並另片奏請將成明所帶京兵步隊
撤回該營月餉由山西改解勝保大營一手經理等語乃本日成
明馳奏回匪大股攻撲同朝力擊不退一摺據稱朝城萬分危急
副將哈連陞被賊擄去潼關亦有被圍之信見在同朝糧盡援絕
該提督咨報勝保撥軍援期相距潼關僅六十里而送文夫役未
回文報爲之不通不得不徑行馳奏請援等語同朝一帶濱河與
晉省毗連最關緊要節經諭令勝保親自出省前往布置本日所
奏咸陽剿匪情形未及同朝一語轉欲將成明步隊撤回月餉移

歸大營經理詳聞成明摺內節次咨報勝保賊渡洛河及撲擾郡城等情何竟置若罔聞以致逆氛日肆猖獗刻下馬家堡等賊巢雖破賊或被擊東趨或因官軍全勢在西專將大股乘虛撲犯關門及濱河要地均在意計之中勝保督兵日久平時自詡方略所謂通盤籌畫洞悉賊情者安在勝保渥荷優容重加委任於所奉諭旨視若弁髦屢經指示同朝一帶緊要地方猶敢漫不經心始則安坐省垣繼因屢催出省明知咸陽一路有雷正綰足以調度不能遵旨親赴同朝與雷正綰東西齊力以收夾擊之效俾賊得以蹈瑕乘間因成明兵力單弱恣其憑陵若賊由該處涉河擾及晉省完善地方或竟大股偷渡北犯該大臣自問當得何罪並何顏面以對天下著勝保仍懍遵前旨迅卽親往同朝並調撥勁軍力籌戰守以圖保全如該郡縣或有疏失及令一騎一賊渡河北

竄惟勝保是問蘇家溝等處進剿機宜卽著雷正綰乘勝進取妥爲籌辦潼關緊急已諭多隆阿卽由浙川入關扼剿係爲關門形勝關繫秦晉豫數省咽喉繕守既定方可令由關以西節節進剿此時情形萬緊斷難兼顧同朝勝保尤不得以該將軍入關輒將同朝責任希圖諉卸且令多隆阿卽能以餘力兼顧同朝勝保更復何顏以對另片奏懇仍令瑛棨幫辦軍務及將成瑞交熙麟查辦各等語均屬非是若以軍務地方必須聯爲一氣方能剿賊則僧格林沁之在豫省未聞必以撫臣幫辦豫省官吏尤稱疲玩僧格林沁督軍所向有功則又何說且據所稱司道等官一味搪塞町畦難化牧令安於泄沓積習相沿瑛棨所司何事何竟不能力圖整頓加之督率若於軍務事宜及勸捐等項該撫輒敢任令該地方官意存觀望或迹涉把持試問所居何心勝保猶得謂瑛棨

之能顧大局耶所請斷不准行其已革甘肅提督成瑞仍照刑部擬定罪名迅速解京正在寄諭聞英桂及愛仁王茂蔭均各馳奏潼關緊急所陳大略相同回匪肆擾華陰一帶潼關關門已閉是其情形愈加緊急同朝更切望援該大臣務卽力圖補救毋再玩忽謂朝廷寬典之可倖邀也將此由六百里加緊諭令知之○諭成明奏回匪大股攻撲同朝力擊不退請撥兵助剿一摺同朝及潼關一帶地方界連豫晉設被賊匪占踞延及鄰疆辦理益形棘手本日已由六百里加緊諭知勝保令其由咸陽分撥兵勇親行督帶迅赴同朝援剿其咸陽一帶責成雷正綰督辦惟勝保專赴同朝而潼關一路總難兼顧該處城垣見被賊圍防兵本屬無多主將又爲賊擄深慮兵心渙散守禦難期堅固見在陝省軍情萬分緊急著多隆阿督率所部星夜馳赴潼關力解城圍以保晉豫

門戶並由潼關以西節節進剿將回匪力加掃除以免蔓延此事
關緊緊要多隆阿務當剋日拔營前往以顧大局不准稍事遷延
前據多隆阿奏武關守將馬斌捨關登寨李雲聞警先逃閻丕敏
以鉛子火藥餽賊當經明降諭旨將馬斌李雲革拏交勝保雷正
綰審明按照軍法嚴懲並將閻丕敏卽行正法茲據勝保奏稱李
雲馬斌均曾帶兵擊賊並無先避情事馬斌所據磨溝嶺亦係河
道要隘閻丕敏濟賊火藥亦無實據等語仍著多隆阿將該革員
等調取嚴訊如情罪屬實卽遵前旨辦理勝保原片著鈔給閱看
正在寄諭間續據愛仁王茂蔭並英桂奏稱陝回狡獪各一招潼
關被圍乏人防守盼望援軍甚急多隆阿務宜懷遵諭旨星馳前
往先據秦晉豫三省要口相機進取毋得視同尋常軍務稍涉遷
延該將軍忠勇性成素顧大局必不至昧於機宜也將此由六百

里加緊諭令知之○以王憲爲河南布政使李鶴年署河南按察

使

由江蘇常
鎮道署

○命已革總兵官李能臣幫太僕寺少卿徐繼畚辦

理山西團練○予江蘇陣亡巡檢余文俊祭葬世職○調直隸正

定鎮標兵五百名練勇一千五百名赴山西防勦○癸酉諭議政

王軍機大臣等鄭元善毛昶熙奏遵旨阻截苗練並陳前此辦理

情形一摺據稱已遵旨札知博崇武傳諭該練毋庸西行並飭軍

需局不准給發銀兩一面飛札歸陳各屬州縣探明苗練動靜飛

速稟報一面切致勝保函詢有無札調迄今勝保並無回信嗣接

東路各州縣稟復苗練見奉僧格林沁札諭按兵不動又據陝州

知州陸乃普報稱博崇武已攜有勝保護照前往迎提苗練該撫

見在知照沿途各地方傳知博崇武到

此

諭該鎮設法攔阻誠

恐練數眾多不能理論請飭僧格林沁馳

阻

止等語苗沛霖所

部人數眾多良莠不一若令由豫赴秦勢必滋擾地方爲患甚鉅前經僧格林沁調令隨同進剿捻集該練如能聽受該大臣約束節制卽著酌量檄調助剿並諭以在皖在陝均是爲國家出力不必舍近就遠以期消患未形調練赴陝一節著僧格林沁卽行嚴札禁止儻該練不遵調度仍欲赴陝則是有意抗違諭旨斷難姑容卽著選派勁兵會同鄭元善毛昶熙之軍扼要阻截萬不准其有一人一騎入陝鄭元善等摺內有苗練見奉親王僧格林沁札諭按兵不動等語聲敘殊未明晰著將苗沛霖近日情形曾否派練助剿抑或仍欲入陝詳細查明具奏將此由六百里各諭令知之○左宗棠奏臣將蘭谿縣屬油埠等處踞逆擊敗後逆首李侍賢喉龍游城內賊酋遜天義陳廷香等於八月十五十九等日撲攻城西圭塘山劉培元等營壘均經擊退二十九三十等日李侍

賢又遣巨目李尙揚等由蘭谿永昌鎮湯溪湖鎮分路撲犯劉培元營壘城賊於西北兩門列隊牽掣我師臣派親兵劉榮會同馬德順劉璈等各率所部分路邀擊劉培元飭各營空壁而出楊昌濬等率親兵繼至四面包鈔賊勢不支適江西赴浙會剿之屈蟠王德榜兩軍馳至併力痛擊賊遂潰走陣斬賊目數十名西門之賊經睦金城等擊退北門河邊之賊經劉璈等擊退賊不得逞於南路復糾巨股由蘭溪竄踞壽昌縣另分悍黨出上方嶺適蔣益澧前隊及高連陞帶所部甫抵衢州臣卽飭其進駐蘭谿之麥園與劉典合圖襲家堰太平祝家之賊閏八月初六日蔣益澧全軍抵衢分遣熊建益所部三千人往扼上方嶺高連陞所部二千人由梅嶺往攻壽昌縣城十三日高連陞至距城八里地方紮營賊見官軍猝至擁眾直撲營壘高連陞督隊進擊鏖戰三時賊屢卻

屢前官軍三路齊進立斃悍賊數十名賊倉皇遁走追至城邊乘勢攻入賊由南門奪路逃竄復追殺十餘里將壽昌縣城克復臣得報後卽飭蔣益澧劉典由南谿西鄉共圖侍逆所踞太平祝家老巢侍逆聞壽昌被官軍攻克乘夜竄赴裘家堰結七大壘蔣益澧劉典躡蹤追至十八日劉典率各營先進鏖戰逾時蔣益澧率大隊急進高連陞首先踰濠連破中路賊壘二座壘中之賊盡殲僅數騎得脫劉典飭朱明亮等奮攻第三壘破之共斃悍賊千餘名陣斬元天福萬懇芒等多名生擒蓋天福王得勝等二百餘名拔出難民數千餘逆宵遁蘭谿西路肅清後賊踞南岸羅埠湖鎮五星街者仍不下數萬地當龍游湯溪之衝臣隨飭蔣益澧全軍渡河節節攻勦劉典一軍仍駐油埠爲蔣益澧聲援正布置間適羅埠踞逆戎天義李侍詳遣人詣蔣益澧軍前乞降蔣益澧密飭

李侍詳相機內應二十六日夜率各營偃旗息鼓卽起乘之平明
行近賊壘官軍由外殺入李侍詳率黨千餘由壘中殺出各賊猝
不及防棄壘狂竄官軍乘勝追殺斃賊七八百名將賊壘五座踏
毀湖鎮之賊亦於二十七日夜聞風而遁龍游踞逆經各軍連日
奮擊堅厯不出臣移紮距龍游城五里之新涼亭飭各營修築長
濠偏之飭蔣益澧由羅埠進攻湯溪劉典暫紮油埠湖鎮以防蘭
谿金華援賊九月初一至初五等日蔣益澧等率隊力攻誘賊出
戰痛勦兩次接獲賊中告急僞文龍游湯溪之賊皆勢窮力絀求
援於金華守賊臣求侍逆迅速回援督臣耆齡復派知府康國器
率粵勇三營至臣溪會勦兵力益厚惟兩城之賊附城築壘堅固
異常恐未免曠臣持久據投誠李侍詳供稱侍逆李侍賢竄裴家
堰時擬乘間從臣承桐廬竄回溧陽護其眷屬然後由溧陽回援

金陵留偽朝將李尙揚等率悍黨十餘萬分守金華龍游湯溪等處賊壘以阻我師臣惟當督同蔣益澧劉典迅以圖之軍中接獲李侍賢偽文諄屬諸賊死守龍游湯溪金華四十日卽行折回並言逆眷在溧陽爲各偽王欺陵不能不急回料理查賊中偽王可數者共三十餘惟偽忠王李秀城偽章王林紹璋與李侍賢投合餘則彼此猜疑金陵逆首洪秀全之兄偽勇王洪仁達尤爲各賊所恨從前楊韋兩逆互相吞噬之事不久必將復見而李秀城嗾各賊圖犯皖南意在緩浙軍之攻而鈔其後擬俟龍游湯溪攻克緩攻金華急攻嚴州相機辦理以圖共埽狂氛又奏甯波一府遠在海澨中隔賊氛臣軍兵力苦單勢難分赴甯郡新任浙江提督鮑超見在皖南前經慶端奏委葉炳忠護理提篆但部曲無多恐難得力刻下溫處台三郡漸就肅清邊界並非喫緊候補提督秦

如虎本係宿將所部在閩粵各軍中尙稱能戰因攻處城受傷回
溫調治而所部見赴台州由台赴甯甚近若蒙恩旨令其署理浙
江提督迅帶所部由奉化馳赴甯波較之葉炳忠更爲得力而甯
波必可無虞 上諭逆首李侍賢等率其醜類堅踞龍游湯溪蘭
溪各城並遣悍賊攻撲總兵劉培元營壘經左宗棠督飭各軍破
賊龍游南路之援蔣益澧之軍甫到卽能率其前部攻拔壽昌並
會合劉典之兵破賊裘家堰及羅埠湖鎮五星街等賊壘均係龍
游湯溪蘭溪要隘各城之賊其勢已窮所辦甚合機宜李侍賢雖
畱悍賊死守金華龍游等城壘該撫督同劉培元蔣益澧劉典等
軍乘銳進攻將此數兇殄滅以下堅城節節進剿自當所到迎刃
而解浙江軍情漸覺有緒左宗棠見擬俟龍游湯溪攻克緩攻金
華急攻嚴州緩急之間自必權衡至審惟摺內有李侍賢將由分

水桐廬竄回溧陽護其眷屬然後由溧陽回援金陵之語金陵逆
援甚眾昨據曾國藩奏徽甯軍情亦甚緊要已與左宗棠商調蔣
益澧一軍馳赴皖南接辦甯國軍務即可抽出鮑超一軍馳援金
陵刻下浙省軍務得蔣益澧之軍助勦正當得手此軍若已調赴
皖南則浙軍未免又虞單薄前據耆齡奏飭令林文察率所部六
千赴龍游會勦本日左宗棠摺內稱耆齡復派知府康國器率粵
勇三營至湯溪卽著左宗棠迅卽催提並耆齡嚴飭各軍星速
前往趁此龍游湯溪踞賊與金華援賊道路斷絕迅將龍游湯溪
合力攻克以成破竹之勢李侍賢竄往溧陽能否派兵乘間邀截
俾不得與忠逆合救金陵致曾國荃之軍更形喫重諒曾國藩與
左宗棠隨事商略定能籌及也李侍賢逆眷旣在溧陽爲羣逆所
欺不能不急回料理該逆僞文所述斷非無因是賊中羣醜互相

猜嫌其勢已成逆首洪秀全之兄洪仁達尤爲各賊所恨從前楊韋兩逆交相吞噬之事必將復見如其有隙可乘該大臣督撫等諒亦必能用間出奇隨機應變江浙各營疫氣是否全消著隨時具奏以慰馳系秦如虎已有旨署理浙江提督卽著左宗棠飭令由台州奉化速赴甯波防守將此由六百里各諭令知之○甲戌諭內閣向來年終考試王貝勒貝子公並世職章京之子應封宗室道光二十四年酌改乾隆年間條例將謠繹馬步射三項分優平劣五等分別應封罰俸停封及永不准考在案嗣於咸豐六年文宗顯皇帝特降諭旨以停封永不准考未免過嚴交宗人府酌議經載垣等議定將停封之例俱改爲降等授封及罰俸各在案茲據宗人府奏請仍照舊章酌量變通等語嗣後考試應封宗室各員按照道光年間舊例辦理其至少者永遠停封不准入考

一條改爲停封三次仍准其入考嗣後應封宗室等務當力圖上進毋或苟安以副朝廷優待宗支砥礪人材至意○諭刑部奏請革除庫倫茶票陋規等語商人在恰克圖交易向於理藩院領取茶票乃該章京衙門每票一張收規費銀五十兩門丁領催等規費尙不在內並每月由商人供給月費甄茶三十箱此外復有挑貨借茶等名目約計三年所得卽不下七八萬兩除交每年理藩院二萬兩作爲蒙古王公廩餼之用以外票規尙多贏餘國家設官分職自有廩給俸糈豈容私受陋規致開侵漁貪婪之漸著將該處票規卽行裁革其蒙古王公廩餼銀兩應如何由茶票項下酌定額數全行提解歸公並該章京及吏胥人等薪水心紅紙張各項應如何酌量津貼著署理藩院庫倫辦事大臣妥議章程奏明辦理至茶票一張向係三百箱近來何以加至六百箱理藩院

發給部票向來何以不於票內注明茶箱數目日後如何防弊之處並著庫倫辦事大臣會同張家口監督確切查明據實具奏○李鴻章奏臣以嘉定縣城爲蘇滬門戶必應力圖克復與英國水師提督何伯商籌進剿閏八月二十八九等日何伯等帶領英法國官兵又調派常勝軍分隊進攻臣復派知縣李鶴章總兵況文榜等各帶所部繼進沿途踏毀賊卡二座九月初一日直擣嘉定縣城初二日英法兵及常勝軍攻東南兩門李鶴章督令遊擊黃中元等攻西北兩門況文榜等分投扼要設伏何伯指揮西兵連夜築成礮臺開放炸礮該逆抵死抗拒我軍輪流環擊計歷三時之久轟倒南門城牆十餘處賊勢不支我軍分布雲梯一擁而上西兵同時登城大隊由東門入城賊由西門奪路狂奔三品頂帶吳建瀛奮力兜剿會合兩路伏兵追殺十餘里突有僞天將黃逆

等由太倉糾合大股悍賊來援馬隊數百擐橋進拒把總夏長勝
白萬和躍馬衝入賊陣中槍陣亡適洋槍小隊趕至縣丞余思樞
等督令連環施放賊始披靡僞徽天安田邦哲率眾乞降當將嘉
定縣城克復計先後生擒賊匪六百餘名殺斃淹斃者約三千餘
名解救難民甚眾見飭況文榜等督率兵勇會同該縣張縉入城
分門駐守並令李鶴章將虹橋各營進紮南翔總兵程學啟分統
數營進紮黃渡署提臣黃翼升派水師二營擇要扼紮以防蘇崑
太倉之賊合股回竄 上諭議政王軍機大臣等嘉定爲蘇滬門
戶經李鴻章與何伯會商分路進兵剋期攻拔該署撫見飭況文
榜等督率兵勇分門駐守並令李鶴章黃翼升等酌派水陸兩軍
扼要進紮布置尙屬妥協蘇常逆首回救金陵竄陷甯邑屢據曾
國藩奏報賊匪窟集皖南蘇郡勢必空虚似有可乘之隙昨據左

宗棠奏侍逆李侍賢眷屬尙在溧陽爲各該逆首所欺見在由浙
趕回料理而逆首洪秀全之兄洪仁達尤爲各賊所恨是賊中羣
醜亦互相猜嫌亟宜乘間蹈瑕力圖進取且逆賊麇集金陵及浙
之金華龍游湯溪一帶蘇郡必致空虛著李鴻章酌度機宜督飭
水陸各軍進紮崑山規復蘇郡如能襲取城池固屬盡善卽該匪
踞守嚴密一時不能得手而官軍攻勦緊急該匪亦必分股回援
自可稍紓皖南之急於大局甚有裨益該署撫務當悉心籌度見
可而進毋誤事機將此由六百里諭令知之○諭薛煥奏荷蘭國
總領事呈遞申陳懇請立約一摺荷蘭國與中國通商最久頗稱
馴順此次該總領事方姓呈遞申陳懇請換約自係見布路斯比
利時大西洋先後立定條約心生羨慕亦欲一例邀恩覽其中陳
詞語均尙恭順可援照比利時國之請准其議立條約以示一視

同仁之意卽著薛煥李鴻章相機妥辦將來議立條約一切事宜仍著派薛煥與之商辦卽照辦理比利時國成案議定後卽在上海由薛煥與之換約務令詳明周妥勿貽後患薛煥於外國情形極爲熟悉諒必能斟酌合宜用副委任另片奏布國換約一節俟崇厚將用寶條約齎送到滬遵旨籌辦並請將方姓申陳原文暫畱上海與布國領事列斐士辨論時據以爲證均照薛煥所奏辦理將此由五百里諭令知之○以勒索回商規費等奪庫倫辦事大臣色克通額職戍黑龍江○飭熙麟等籌撥塔爾巴哈台軍餉○予故尙書沈兆霖入祀昭忠祠○予江蘇傷亡二品廕生侯維寶祭葬世職○乙亥諭議政王軍機大臣等前因勝保有檄調苗練赴陝助剿之奏當經嚴飭勝保速行阻止並諭令僧格林沁等設法羈縻如苗沛霖必欲西行卽派兵截剿茲據賈楨奏風聞苗

練蠢動擬於月內分派大隊一由清江行走一由潁西榆渡該練素無紀律貪戾性成由潁渡河猶爲赴陝必經之路若繞赴清江其心更屬叵測設西犯山左則北路門戶大開固爲腹心之患抑東犯裏下河淮揚通海在在可虞請密飭江北山東各路一體嚴防等語苗沛霖反覆無常本不甘心就撫近因勝保徵調入關該練乘機思逞分股竄伺亦意中事自應豫爲防範以備不虞著僧格林沁仍遵前旨如該練決志離巢不聽阻止卽視其所向調派得力將領遏截去路痛加勦擊鄭元善毛昶熙接奉前旨計已豫作準備該練如有入豫信息卽著嚴飭各路團練調撥兵勇會同截擊毋令西竄並著袁甲三吳棠譚廷襄嚴密布置隨時加意偵探僅苗練果有前赴清江等處消息務各妥爲開導剛柔互用如不聽阻止卽著分撥兵勇併力兜勦毋許一人一騎闖入境內將

此由六百里加緊各諭令知之○諭前因皖北軍情喫緊諭令李續宜不必俟百日假滿卽趕緊赴皖任事茲據賈楨奏風聞苗練蠢動李續宜素爲苗練所畏請催令迅速赴皖等語李續宜回籍後趕辦喪葬一切事宜計已竣事見在髮捻各匪由楚省竄近皖境唐訓方因金陵軍情棘手尙稽安慶袁甲三雖係病軀又勢難回籍而苗練又刻刻思逞皖北軍情較前更爲喫緊該撫忠藎素著朝廷因係至性至情所在不忍拂抑不得已而給假俾遂哀慕之忱該撫自必深感國恩力圖報效著恪遵前旨剋日起程赴皖任事斷不可拘泥假期未滿稍涉遲延致皖省大局或有變遷貽誤將此由六百里加緊諭令知之○諭官文等奏克復京山安陸解圍並應山孝感股匪竄入黃陂黃安縣境見在勦辦情形請飭催多隆阿回援一摺此次陳逆竄陷京山撲犯安陸府城穆正春

等攻勦頗能踴躍用命殊堪嘉尙見在該逆竄由襄棗冀圖回竄
卽著飭令該鎮將等跟蹤追勦以期一鼓殲除其馬融和股匪竄
至黃陂等處舒保能以少擊眾馳逐三百餘里不愧驍勇善戰著
傳旨嘉獎卽飭令實力追勦該逆意欲取道羅麻竄回皖境以圖
救援金陵並著官文等檄調成大吉等迎頭截勦與舒保等兩面
夾擊毋令闖入皖境黃孝一帶防務卽飭歐陽正墉等分防以固
武漢門戶多隆阿因陝事甚亟疊諭迅速入關萬難旋南諒官文
等未接前旨卽著就見有兵力分投堵勦不可專恃援師李續宜
回籍後因羅惇衍賈楨先後奏請回皖已疊諭該署撫剋日赴程
儻兵力不敷卽著官文等飛咨令其於楚南酌帶勇丁數千名順
道攻勦入皖以靖鄰氛而固皖防將此由六百里各諭令知之○
諭劉長佑奏官軍連破貴縣賊巢楚軍由陽朔合兵進勦荔匪各

情形一招貴縣所屬之旺嶺水寨棉村江口等實爲積年賊藪礙我軍進取之路經劉長佑派令蔣澤春鄭金華等分攻旺嶺水寨等處賊巢疊有斬獲匪目甘茂性投誠內應焚殺甚多著卽飭令蔣澤春等乘勝進攻規復貴縣城池並著嚴飭駐紮大墟將弁嚴防該逆繞出撓我官軍後路北河土匪麇集大鹿灘馬瀨等處業經我軍將匪卡蹋平仍著按捕餘匪毋令分竄荔浦張逆自敗回蓮塘負隅抗拒復分股肆擾永安州屬踞匪與張逆互爲聲援雖經官軍收復十餘村斬擒匪黨百餘究未大受懲創且難保不乘虛紛擾永爲邊境之患著劉長佑張凱嵩督飭派出各軍會同楚軍前隊陳鳴志等乘此聲威實力掃除慎勿稽延時日劉長佑前已簡放兩廣總督著將廣西軍務交張凱嵩接辦卽行前赴新任毋稍遲延將此由五百里諭令知之○諭總理各國事務衙門奏

練兵必先練將請飭沿海統兵大臣悉心揀選一摺逆賊竄擾東南蔓延滬上甯波等海口官兵暫假洋人訓練原以保衛地方業於天津上海等處先後辦理近來甯波亦已照辦惟以洋人訓練卽以洋人統帶是旣應教習之任並分將帥之權莫若選擇員弁令其學習外國兵法於學成後自行訓練中國勇丁著曾國藩薛煥李鴻章左宗棠商酌於都司以下武弁中擇其才堪造就酌挑一二十員令其在上海甯波學習外國兵法以副參大員統之會同外國教練之官勤加訓練其練習勤惰卽責成統帶之員畱心稽查分別懲勸練成之後卽令各該員弁轉傳兵勇以資得力如新練之將弁數月後得有成效卽可將上海甯波等處學習外國兵法勇丁交其統帶屆時卽著曾國藩等迅速具奏廣東福建等省營伍久弛而廣州福州各海口必須仿照上海等處學習兵法

著文清耆齡徐宗幹穆克德訥劉長佑黃贊湯於旗綠各營內地
擇驍勇員弁學習外國兵法斷不可惜目前之小費其中國內地
兵丁仍應飭令隨時訓練中國兵法不可偏廢至天津所練之兵
並著文煜崇厚仿照辦理揀擇妥員以備統帶將此由五百里各
諭令知之○官文等奏請畱丁憂湖北按察使閻敬銘仍辦糧臺
事務允之○以栗耀爲湖北按察使由鹽法武○丙子諭議政王
軍機大臣等鄭元善奏克復龍井賊巢一摺龍井爲豫省南路要
隘旣經官軍攻克則明港驛路可望疏通著卽責成李續燾迅速
進攻將明港一帶賊匪掃除並將附近陡溝等處賊巢一律攻拔
以期肅清南路並著飭令署南汝光道蒯賀蓀督率所屬州縣激
勵鄉團會同進剿毋得專恃楚軍自懈戰守前因髮捻各股陸續
竄入楚境鄂省兵力不敷分布曾經諭令官文等將李續燾一軍

調回見在安陸府城業已解圍京山應城等處均經克復鄂省軍情計已稍鬆著鄭元善隨時探明如楚北兵力敷用卽著將李續燾一軍仍留豫省防勦以資得力將此由五百里諭令知之○召前任給事中蘇廷魁御史竇塈編修劉熙載黃彭年車順軌已革巡撫曾望顏前布政使畢承昭候選道朱琦知州張應翔知縣劉秉琳來京○允御史王道墉奏仍命各直省舉行團練○丁丑詔畿輔行堅壁清野法○戊寅諭議政王軍機大臣等總理各國事務衙門奏購買外國船礮明春可到請飭豫派將弁水勇以備演習並請妥籌配派各摺片購買外國船礮近以勦辦髮逆遠以巡哨重洋實長駕遠馭第一要務曾國藩前次覆奏有駛到安慶漢口時商定奏辦之語第俟該船駛到再行商辦誠恐一時選派難得其人見在旣據赫德呈稱此項船礮明春可到其單內所稱輪

船應派官兵及礮手水手水師等兵並船上當差甚苦須用健壯之人等語雖較之上年所開之單尙爲覈實惟是否應如此酌派殊難懸揣官文曾國藩久轄南疆見聞較稔著卽相度機宜參以赫德之言悉心籌酌將應用將弁兵丁水手礮手等人於該船未到之先一律配齊俟輪船駛到卽可上船演習免滋流弊至酌畱外國水手等多則經費太鉅少則教導不敷應如何辦理之處並著屆時與稅務司等熟商妥辦其赫德單內有水手用山東人礮手用湖南人水師用八旗人之語自係爲膽氣壯實火器嫻熟起見惟因地制宜仍在官文曾國藩詳悉籌辦務收實用其如何選派之處卽著迅速具奏總理各國事務衙門摺片各一件赫德呈單一件均著鈔給閱看將此諭令知之○己卯以孟冬時享

太廟 上前期親詣行禮○以許彭壽爲內閣學士

由少詹事遷